

眉菴集卷之七

五言律

姑蘇楊基

孟載

著

省垣對雨二首

朱邸開東閣青閨對晚林  
雨苔行處濕風葉坐來深  
俯仰唯緘口交荐執吐心  
偶逢佳節醉萬事捲銷沉  
舊雨深叢菊新霜小樹楓  
醉憐花冷淡愁愛葉踈紅  
沙遠無鳴柝江寒有斷鴻  
羈懷誰共語默默坐書空

贈秦侍儀

右二首江西作

文采玉娟、班行內外聯  
蕃王從學拜邊使候通箋  
侍立彤庭上追趨法駕前  
今朝退朝早衣上有爐烟

送翰林脩撰劉用章赴滇陽

桂苑思戎客，薇垣亞相才。人皆期管樂，我獨愛鄒枚。霧  
雨爐熏掩星河，殿影開玉堂清。切地遲爾早歸來。

宿高季迪京館

歲晚此相逢，鄉情似酒濃。語長銷夜燭，夢短及晨鐘。急  
雪風鳴簷，微雲月照松。雞前趨闕去，寒樹曉籠蔥。

春盡始聞鶯聲

衆綠鶯園池，鶯聲遠更宜。愛於三月暮，聽似百花時。上  
苑啼應早，南風見自遲。綠窓殘夢斷，相憶海棠枝。

為牛諒侍御題畫

步履近星辰，長霜凝翠栢。新自憐烏府，月應照白頭。人綉  
斧監祠，夜封章待漏。晨清朝崇孝，治一飯不忘親。

和牛侍御懷弟之作

春草綠芊芊，看雲憶惠連。午陰花萼上，秋色鴈行邊。此  
日臨池坐，當時聽雨眠。應將舒卷意，戲綵北堂前。

懷吳中赤山舊業

東林携策處，南垞釋畊時。一徑都緣石，諸泉盡到池。靜  
憐松響續，涼愛竹陰移。盛世容歸隱，毋令解組遲。

漸與世紛遠，自然塵慮消。沿隨碧溪水，徑渡綠陰橋。岐  
路迷還識，孤村近却遙。閑身任來往，不為野人招。

夏夜有懷

重露澄秋色，輕風生夜涼。碧看湖草亂，紅愛渚蓮香。有  
弟徒相憶，何人不異鄉。悲茄在城上，雙淚落衣裳。

逢鄭校書

一從淮水別千里各西東又是秋風後相逢客路中  
眉怜我老憂患憶君同遙想西齋宿孤燈照影紅

江村雜興

春墅一鳩啼橋危懶過谿徑苔都上壁野菜不分畦  
倚杖妨花密看山碍竹低欲知幽隱處風雨白門西  
陋巷泥三尺無人訪隱淪窓鳴風減睡炊斷雨添貧  
野路花迎客江橋柳送人暫須依薄俗憇此竄餘身  
春色冶城東花濃咲老翁燕遲雙壘破蜂早一房通薄  
暝山腰雨踈紋水面風便携蓑笠去垂釣綠蒲中  
判醉望愁醒愁因醉轉增已歸仍作客接老漸如僧詩

與風樓笛棋聲雪舫燈莫言渾不解此事野夫能

東溪復西圻村人可釣磯草於烟處密花較雨前稀小

管催鶯出疎簾待燕歸傷心新柳色猶妬舊羅衣

偶因辭祿去聊傍菁邊屋瓢棄頻賒後衣存屢典餘晚

簾花掠燕春水絮吹魚復恐沙崩石楊栽插遠廬

江橋春別後沙舸獨歸時戲鴨東西宅菰蒲遠近陂藕

深荷蓋密竹瘦筍鞭遲野趣誰能識唯應白鷺知

斜檻俯江湍輕帘盡小竿柳寒鶯羽濕花暖蝶鬚乾酒

或臨流酌詩多寫石看不因迂僻地那得此身安

江影搖春樹潮痕摺晚沙綠蕪三尺雨朱槿一籬花去

國仍思國還家復夢家自無干祿意何必遠京華

將兩山光黑初晴樹色青  
膏新沙店遠占穀瓦龜靈石  
枕支頤冷江瓢漱齒腥  
醉餘春睡孰長得鳥呼醒  
乍暖夾衣輕閑依綠渚  
行鳥喧如有訴花慘作傷情  
風度思前輩才華畏後生  
自緣耽野趣初不為逃名  
詩廢并無意寒止况有函  
菌生春藻白苔蝕種花鏡  
徑濕慵頻掃畦荒懶自芟  
畏人詢往事歎語意先慚  
江月盈々白墟烟細々陰  
茅茨孤碓急機杼一燈深  
短笛多悲調長歌少醉吟  
自憐知己盡空負壘間琴  
野渡緣沙闊村酤入市遙  
雨籬花姚々風箔葦蕭々祠  
古猶供祭墳荒不禁樵  
夜來沙鷺沒漂斷屋西橋  
僧屋映柳庄漁市入橫塘  
晚渡雙橈月朝吟一硯霜  
瘳

貧知有術醫俗笑無方  
種得青青草離憂賴爾忘  
清流曲幾回喫飯此山隈  
歌斷憐鶯續詩遲畏酒催  
晚晴初見月春盡尚逢梅  
歸路緣江熟支筇不用陪  
江渚疑無岸藤蘿遠接波  
花踈遊騎少酤賤醉人多  
燕已將雛出蜂能負子過  
祇愁春已晚欲借魯陽戈  
咫尺南朝寺松杉覆短垣  
野猿偷佛供山鳥學人言  
石氣晴猶濕泉聲靜却喧  
塵心久空寂隨意給孤園  
儀因非無舌顏公負有田  
病多賒藥券貧乏買山錢  
白壁交徵日黃金寵賜年  
都將舊游夢一咲野漚邊  
情深却倦遊矮屋任低頭  
花落東風怨鶯啼夜雨愁  
酒煩隣媪買詩許社僧求  
欲駕東家鶴吹笙到十洲

句曲秋日郊居雜興 十首

茅屋人歸後荒村更異鄉  
樹寒鳥遠月江冷  
鴈啼霜影  
賴燈相續愁  
錄酒在忘  
明朝覽青鏡  
白髮幾多長  
出門山氣夕  
循逕入谿陰  
野水經寒淺  
秋風到晚深  
草  
潛驚鶻兔  
莎露啄魚禽  
自采黃花嗅  
誰知獨步心  
漸老愛秋光  
外沉意  
兩忘  
鴈聲偏到枕  
虫響故依床  
薜荔千林  
雨芙蓉一樹  
霜故園  
蕪菊在衰颯  
為誰香  
庭樹聚棲鴉  
溪流沒淺沙  
瘦憐人  
侶菊濃  
愛葉如花  
秋色都連水  
寒雲忽變霞  
自慚長在客  
無地不思家  
凶掩輝々  
燭爐消細々  
香無風  
寒尚淺  
有雨夜偏長  
飢鼠搖空  
橐枯螢委  
破囊十年  
江海夢  
此夕詎能忘

地與華陽近三峯獨往來  
草香千品藥松老一身

怪獷偷讀門經  
鹿撞開墻東有脩竹  
移向北庭栽

編竹補疎籬  
生芻束酒旗  
雞豚田祖廟  
鷹犬獵神祠  
玉

糝菰為粉  
璠酥豈作糜  
兒童採蘆葉  
爭學短簫吹

欲往竟無適意行  
仍獨還猿聲  
黃葉寺牛背  
夕陽山書

棄將成業身  
接未老閑相逢  
莫嘲諂才與不才間

偶隨黃蝶去  
岸情樹邊  
橋邛酒紅初散  
朝霞白漸消  
沙

平留鴈跡  
水落見魚苗  
却愛箕山老  
從容棄一瓢

落葉擁柴扉  
村深客過稀  
曉車分穀去  
晚笛飯牛歸  
漁

負雨蓑立鳥  
啣霜果飛  
此中真小隱  
予亦久忘機

杜伯寧雨中相過晚晴告別

念汝能相過危橋渡野塘入門中履濕滿席芟荷香我  
愛秋前雨人誇午後涼都將畊鑿意一咲送斜陽

懷白容縣中諸友

武師文

山市遠寒廳雲分半榻燈苔荒征訟少果熟稅錢增薄  
俸長留客新詩或寄僧朱絲嘆六斷欲續竟誰能

趙仲弘

古貌復長鬚山林一老儒豐城埋古劍滄海得明珠文  
氣曹劉並才華沈宋俱故園諸友盡相見獨踟躕

栢師文

白髮已千莖相逢喜氣生看山留十日待月坐三更

四時亭

泉聲四時清山色四時好不知寒暑移但覺松杉老

宿雲軒

盈之山中雲就我簷下宿昨夜雲不歸空閒半間屋

照湖鏡

團之山中石下照太湖影如何一鑑中三萬六千頃

端陽十詠

百索

紅映釧金黃雙纏腕玉香閨愁千萬里羞比綵絲長

釵符

紅縠剪金暮輕羅簇艾花不須靈笈篆心靜自無邪

守宮

玉臼搗薰風蛾眉怨六宮長門深似海何用印花紅

角黍

紅絲繫綠蔓金糝沃香飴風雨羅江上家祭屈平

艾虎

踞戶欲生風當門勢自雄未能離草莽亦是駭兒童

蒲觴

蒲葉復蒲根香瓊泛綠樽亂離誰引壽聊欲奠湘菟

闔草

珠玉賭牙籤爭奇子白拈一籌矜獨勝袖有謝公髯

射柳

贈華陽道士徐介之

大極仙翁劍相傳此瘞蕙蘚痕皆鉄色松影尚雷光斗  
閣三花供真壇半夜香便須邀頽况特地宿君房

客懷

以上在金陵并句曲作

休官得養親况及楚江春喜極花迎咲情多柳效顛單玉  
醪銀葉鱠紅稻紫絲尊遙想西園草青々待遠人

七月十四日過龍江

親已年逾九兒挽月過週家貧歸侶客路遠去如流失  
意螢辭火驚心燕感秋平生離別淚相對未能休

沙河舟中

旅懷歸正急春色到非遙草際風初汎蘭心雪未消鷺

明欺白髮鷗快避輕撓得遂歸田計殊恩感 聖朝

儀真逢張孟恭

相見獨依々都緣會面稀故鄉諸友散獨客幾人歸江  
捩頭全白劉琨事已非野鷗知別意故繞夜航飛

瓜洲逢丘克莊

江水靚如空江華冷未紅憐余猶客裏羨汝已鄉中白  
苧青衫兩烏紗短帽風不須搖艇子垂釣五湖東

閏七月二日發淮安

舟行日已晡帆影動檣杪河伯拋錢祭風神酌酒呼紅  
憐瓜似蜜白燕炙如珠且就篙師醉何煩問遠途

至鍾離發書寄婉素

漂泊嗟吾遠支吾賴汝賢老親思饌肉癡女憶衣綿刃  
尺砧聲裏燈花咲影邊聊將千里夢持送到金川

盱眙懷古

舊說盱眙縣居民不掩關雞聲啼鳥上人影落花間簾  
漠層々雨樓臺面々山惟餘孤塔在秋鮮綠斑々

舟中聞促織

促織來何處哀吟近短蓬不堪為客裏况復是舟中殘  
夢寒衾月孤燈夜枕風此時腸欲斷恨不耳雙聾

元夕前雨

楚澤春初入巴江水又來草憐容易綠花恨較遲開月  
暗燈慵試衣單苧懶栽晴光在梅柳應待鼓聲催



人日懷高啓

客路逢人日，流光惜易過。  
楚山青漸少，吳樹綠還多。  
短髮雪輕鳥，隊波無因寄。  
高適詩罷獨吟哦。

哭陳仲野都事沒上牙

冰雪阻脩途，暗魂託老奴。  
百年鄉夢斷，萬里客墳孤。  
囊橐遺書在，期功遠姓無。  
一盂寒食飯，誰與掃榛蕪。  
輿緋暗風沙，丹旌映晚霞。  
吏人營殯殮，童僕著衰麻。  
襲廢無遺嗣，招魂有外家。  
重來恐迷處，記取路三叉。

送沈自誠任武康縣丞

朱紱還家日，青衫佐縣時。  
野蚕春自蠶，山犬暮生羆。  
細讀隋唐律，閒臨漢魏碑。  
都將晉陽事，寫作送行詩。

寄張彥禎

上赴河南在作

城小更臨邊，今聞太守賢。  
牛歸新覆屋，農種久荒田。  
機杼春坊月，旌旗晝壘烟。  
直須興禮樂，閭巷盡歌絃。

省中元夕剪綵簇牡丹燈一樹戲題

綵樹玉為柯，銀燈錦作窩。  
絳紗籠月小，金剪得春多。  
暖艷千枝雪，天香五色羅。  
夜垣齋事肅，相對夜如何。

洪都

江流與郡通，山勢向西雄。  
綠樹南風裏，黃梅細雨中。  
城門帝子閣，鉄柱羽人宮。  
欲就蘇公飲，東湖小圃東。

立夏前一日有賦

漸老綠陰天，無家怯杜鵑。  
東風有今夜，芳草又明年。  
蠶

蘇新絲後茶香煮酒前都將南浦恨聊寄北窓眠

東湖晚眺

漚沒岸如無涼多柳易枯巫歸神廟靜兵語驛亭孤日落霞明渚虹收雨暗湖此時篷底坐天盡是東吳

湖口見月

以上在江西作

秋月自嬋娟澄波照更妍梳憐宮髻側眉想鏡臺前初見愁將墮猶觀喜漸圓旅懷何處感風露九江船

風雨泊舟

江渚初寒夜全家在一篷漂零兼主僕憂患及兒童柝響孤城雨鐘聲遠寺風明朝青鏡裏鬢髮定成翁

晚過秋浦

淡日雨晴天江村正可憐碧雲初見鴈紅樹尚聞蟬一望皆秋色千山各暮烟自慚簪組累羞近釣魚船

晚登峨眉亭

亭子憑虛好登臨似鏡臺江分一股折山作兩眉開濃愛秋烟隔顰疑暮雨來短歌聊共寫深愧謫仙才

沙河至采石

近午風猶熱微陰日已淒病軀勞更弱憂色瘦偏顰路轉蕪葭入舟從絡緯棲此中腸易斷不待玉關西

河曲帆頻轉波高夢屢驚學人孤拜月照骨鬼吹燈斷甃沉沙嘴殘碑露石稜不知何處邑芳草沒荒塍

病後難為客天涯獨此身幾朝延聽鶴千里未逢人夢

好徒增喜詩工不療貧悔將孤釣艇拋棄五湖濱  
舟中逾一月驛路及三千老淚青衫上新愁白髮前蛩  
聲秋岸雨鴻影暮河烟不有西征客誰同此夜眠

逢鄉人俞武仲

醜酒醉江神占風欲問津偶於春草外逢着故鄉人語  
密終難別知新却易親因君問先壟清淚滿衣巾

江船早起

霽色耀輕霞風檣起曙鴉防寒憑酒力避淺問漁家日  
出雞鳴樹波清鱗上沙此時篷底坐極目看蘆花

夜坐

坐久一船霜神清念慮忘水當深夜白星隔大川黃鐘

斷松間寺燈歸柳下庄鳧鷺方露宿漁父莫鳴榔

夜坐聞江聲

天寒月滿川冬夜木蘭船人影清於鶴江聲急似弦書  
殘燈落燼香在帳留烟多少關心事相隨到目前

江船聞柝

月皎江逾白沙明岸欲無柝聲寒郭靜人語夜航孤酒  
渴思分橘衣單怯絮蘆遙憐抱閨者霜露裂肌膚

宿雲港三首

新月低江樹回風疊浪花珠明初見斗綺淡欲銷霞轉  
柁防危石收帆避淺沙鄰船有漁火兒女自成家  
孤檝辨漁舟雙旌識戍樓江山入老去歲月水東流鶯

外霞催晚虹邊雨送秋不因風浪急那得此淹留  
江闊淨無埃澄一鑑開兩帆烟外小單櫓月中哀更  
靜漚初定秋深鴈未來誰家東戶好蒲柳逐行栽

晚入湖口過大悲閣

石斷岸爭出蘿垂樹倒懸僧吟秋閣雨人渡野航烟鴈  
鷺清江畔蒹葭白露前終慚累軒冕空學在家禪

至吳城山得南風過湖

沙嘴南風起船頭雨正飛人方離別去鴈又竟辭歸暖  
日紅生暈晴波綠漲肥龍君廟前柳顏色妬羅衣

謁鄱陽湖龍君廟

劍履朱袍列幢幡碧殿開舟人沉璧祭神女獻珠來款

雨蟬鳴樹將風鵲遠臺瑤函有珉冊猶是楚王裁

出左蠡望廬山時春雨新霽山色明潤獨不見

五老峯為賦

瀑布銀河落香爐紫霧分諸峯皆翠碧五老獨烟雲澗  
濕雨猶滴坡香草自薰遙知幽絕處麋鹿自成群

夜泊琵琶亭聞笛

夜泊古亭邊春愁滿畫船青衫司馬淚紅袖琵琶絃故  
國人何在澄江月又圓誰將折楊柳三弄落花前

江邊小旗亭

亭子枕春沙青旗趁雨斜瀟湘新畫壁桃李舊栽花換  
酒來雙鯉當鱸立兩鴉當年下江客相約送新茶

雨中登望湖亭有懷幕中諸友

水接虛無白亭浮浩蕩開登臨能幾日風雨又重來藕  
濕花初斂蒲深葉半摧乍同諸友別吟望獨徘徊

鸚鵡洲

綠遠武昌城遙連漢口營蘼蕪昨夜雨鸚鵡舊時名詩  
句憐崔顥才華惜禰衡誰能洲下泊不有釣蓑情

江夏朱元瑾折蘭花見寄

幽蘭不易得孤潔比秋霜自可供金屋何須寄草堂一  
花湘水碧數葉楚山長便結參差佩羅衣十日香

岳陽樓

春色醉巴陵闌干落洞庭水吞三楚白山接九疑青空

闊魚龍舞娉婷帝子靈何人夜吹笛風急雨冥冥

舟中聞杜鵑

落月祁陽路聲之叫子規萬山春盡夜孤枕夢回時客  
自傷漂泊人誰念別離無多眼中淚聽汝不勝悲

宿巴陵

楚有巴陵好君山對縣門暮烟湘樹遠春雨蜀江渾日  
落船依岸人歸犬吠村憑虛望雲夢曾次詎能吞

入永州

石氣陰才霧嵐霏暖欲霞憇床腥畏虎飲礪毒防蛇紅  
葉秋崖樹青蘿晚洞花江山盤屈外遙認兩三家

零陵二首

地僻三苗近江田二水兼青林皆種蠟赤穀半收鹽好  
武人輕闔多祠俗尚占晚來山霧濕衣薄又須添  
古瓦籠山葛荒碑仆石楠江晴初漲雨城午未銷嵐甕  
富鯖羞鹿盃渾酒餉蚶邦人盡麻桌終歲不知蚕

湘中雜言九首

春水連春草遙一望同烟江來漢口雲樹出湘中竹  
有啼痕碧花仍咲靨紅誰能鼓瑤瑟哀怨向東風  
小雨弄春晴湖光媚更清髻憐新沐後眉愛親粧成鵲  
潔知無累鷗明覺倍輕離川上草端為客愁生  
鄂渚雲歸後巴山雨過時鶻啼湘女廟花落楚王祠家  
遠身如夢愁多鬢易絲聊將身暫泊沙背看鷓鴣

風起一湖香青杜若長花迎衝浪楫燕逐使風檣欵  
采蘭為佩仍褰荔作裳何如山閣上屏裏看瀟湘  
江晚樹沉群山入漢陰驛亭千柳暗僧院百花深鷺  
曝愁融雪鶯流欲墮金旅懷元易感非有壯遊心  
鷗聚江初靜鴉啼樹已昏碧湘悲帝子芳草怨王孫帆  
影烟中浦漁燈雪後村匆萬里客極目正銷魂  
城近江臨郭沙虛月在川柳宜春雪後花怯晚風前野  
爨三家市鄉音幾處船坐聽磯下水嘈雜響湘絃  
山霽雲猶濕江寒雪未消雙旗樓鼓急孤塔寺鐘遙水  
綠鳧鷺藻洲香翡翠茗巴人暮歸急橫渡不停橈  
指點鷗飛處人間是岳州湘潭山亂出江漢水兼流深

竹新祠宇飛花舊酒樓平生已楚夢明日洞庭遊

初入山西境

以上使湖南作

晉鄙不識稻來麩常在庖民居多土窟官賦半羊毛七月裘寒着千山狼夜嗥遺風唐儉嗇古廟享臯陶

山西秋日

澹日荷香外微涼樹影邊俄聞落踈雨便覺是秋天塞近風寒早天高氣候偏忽思陳鼓吹萬馬向扈延

和宋大叅省垣對雪

和氣春前入瑤花雨後寒簾踈穿每易闌曲聚偏難客自衣裳薄人誰夢寐安掖垣今夜直離恨正多端

以上在山西作

五言排律

水邊見新燕

昔別秋風後今歸社雨前巢非金屋舊人是玉堂仙願  
願公侯似腰肢妓女憐花明春殿雪柳暗御樓烟羅幕  
栖長並銀屏過每聯屋寒鶯共濕衣暖蝶爭妍忽見青  
帘外俄逢綠水邊莫嗔郊舍小臺榭總蕭然

早秋送趙景普東歸

歌斷復依依情多忍遽違未緣春色晚自感故交稀舟  
傍荷花宿人先燕子歸乍涼才却扇多病欲添衣驛樹  
風蟬咽江祠雨鶴飛幾時搖艇子來扣竹間扉  
元夕京城觀燈與楊廉夫先生同賦

琪樹遠春蛾銀燈爛絳羅風柔宵漏永天近月明多瑞  
靄浮雙闕繁星動兩河仗迎仙佩出香拂輦塵過齒齒  
層雪魚龍灑波清時更良夜遊讌莫蹉跎

送傅子敬憲使

朝散掖垣風恩乘憲使駘星辰天只尺山水浙西東民  
力凋零後君心屬念中江晴鷗汎雪雲淨鷓橫空草復  
新年綠花仍故苑紅無因送君去鄉夢託冥鴻

送竺孟容戍營丘

內殿朝辭日東藩報命時白門花婉々青社草離々山  
雨朱袍濕江風錦帽欹禡牙朝進祝散虜夜吹篴士馬  
驚銅鼓兒童識綉旗突圍當左拒射敵中斜枝赤手千

人服丹心一劔知功成正年少雙鬢未如絲

趙宜人衛氏挽章

故國玉孫貴名家母德新令儀推冢婦榮寵錫宜人讀  
史青閨夜治絲錦帳春莖烟條綠柘溪雨來香蘋熊膽  
資諸子虬髯識衆賓鏡臺俄掩月琴匣久蒙塵遺範傳  
宗闡悲歌動縉紳霞坡原上草相望一傷神

八月九日祀社稷述事

祝史祝王冊儒臣奉誓詞衣冠陳盛典鉅鬯降洪釐用  
報金穰瑞仍祈雨露私勾龍嚴配位神粢肅明祠幣玉  
趨宗伯笙鏞奏磬師精靈潛格尔聆響儼來思赤壤新  
封國玄牲舊制儀豈惟宜土穀還得奠邦畿師出常依



主君行每告期禮終受多祐民物正熙熙

晉邸北狩

剛戍吉初消藩宮武用宣彌田之藪隰旄節邁闈鄺啓  
帀驅為錦幘銜驂作纏彤弓臣累百貝胄士逾千雲路  
龍章袞璇霄鶴駕軒和鸞軾前奏張服鞵傍懸笳鼓鳴  
翻海宜羅布匝烟檢焮過走兔鷹者捷飛鳶沫沮多麋  
鹿函岐盛豕豨延賓立驛達登豆右膈穿殪兕才方著  
當熊譽又傳骨都魂亦散勅勒部齊迂固以巽爻象不  
殊詩雅篇邊氓瞻紀律勲業可銘鐫

眉菴集卷之七

眉菴集卷之八

七言律

姑蘇楊基孟載著

送路季璉問聘河東時東駕出師太原

三晉<sup>和</sup>到疆拱帝圻兩河山色照戎衣青虹貫日隨星出

赤鳥如雲夾電飛使者梅花春後折王孫芳草夢中歸

入朝若<sup>題</sup>山東南事積粟如山萬馬肥

三讓祠前酒一卮杏花紅白柳絲古來使者稱吳札

此日行人但<sup>可</sup>趙咨老祖山河終不改諸侯勲業已如斯

青宮錫宴如前日為賦栖六月詩

聞官<sup>雷</sup>南征解圍有日喜而遂詠四首

天師南下靜風壁正月樓船渡孟津中外諸侯元有約

東南豪傑豈無人十年白骨埋荒楚一日蒼生去暴秦  
喜極自提孤劍舞不知雙淚落衣巾

巴江東去動旌旗此處還應責望誰尺土未歸終自復  
一夫作難彼何時北來兵勢當無敵南向人心賴不離  
見說兩淮消息好已將牛酒犒王師

兩河精騎向襄陽全蜀材臣出鳳翔天下風雲爭會合  
江東子弟謾搶攘人皆厭亂思平世誰不將歸說故鄉  
我有先塋依古井十年不奠一壺漿

官軍聞說下揚州夢裡扶搖賦遠遊天運未容人力勝  
民心須順物情求遭逢喪亂生何補見得昇平死即休  
沾取一壺花下酌弟兄兒女笑相酬

寄楊鐵厓先生

不見雲間楊鐵史客中七客近如何老來詩句踈狂甚  
亂後文章感慨多長笛參差吹海鳳小瑤揚柳舞天魔  
春明且盡嬉遊樂莫解梁鴻五噫歌先生所居名七者客

懷悼朱秦仲總制

力盡戈鋌援不回猶揮赤手搏風雷波濤失意蛟龍伏  
肝膽如扛虎豹摧謾使張遼說關羽誰將全武易秦秦  
煩君更緩須臾死要對春風酒一杯

送雪坡太守之武林

湖上烟飛開畫船鳧鴻雁滿前川舊遊未覺英雄老  
遺愛猶思太守賢驛樹籠葱春兩裏江花零落晚風前

遙知不着登山屐先向問閭閻倒懸

送謝參政朝京

萬方臣妾歸降日四海諸侯職貢秋  
七冊寶書銀葉篆九重珠絡翠雲裘  
舍人入奏臚傳早天子論功寵遇優  
正及燕山三尺雪馬蹄須過御街遊

郡齋養疴呈醉樵內史二首

江雲倏忽暝還收五月猶寒著弊裘  
芳草斜陽看易晚綠荷疎雨聽如秋  
池塘空闊蜻蜓喜簾櫳蕭條燕子愁  
不是無言成獨坐暫將心事靜中求

小軒新沐喜神清短憤單衣覺漸輕  
松下琴書晴亦潤竹西窓戶晚猶明  
愁來對酒心先醉病後看花意懶行  
却憶故山深處立綠蘿千樹叫流鶯

亂裏情懷苦未開更兼貧病兩相催  
翻書自取醫方讀寫券頻賒藥品裁  
有子問安催啖粥無人療渴謾思梅  
東山謝傅能相憶風雨園丁送韭來

送潘省參穀北覲

黃鉞專征異撫軍薊門鼙鼓接西秦  
江淮久賴齊桓伯中外方思李泌臣  
鶴駕蕭聲丹禁曉龍池柳色舊宮春  
邦交不用縱橫術况復東周有古人

挽呂輔之參軍

老來不作華亭尹死後仍書貞惠君  
猶有綈袍憐范叔更無珠履哭田文  
練兵每到防秋試積粟多緣歎歲分

飲奠一尊招夜月紫曦蒼柏繞孤墳

送錢思復曲江

庾信文章四十年一官今喜便宜遷諸侯賓客青雲表  
亂世功名白髮前弟子年來金馬詔故人天上玉樓宣  
先生且向江南老草閣東風聽雨眠

登石湖山亭和胡宣古宋仲溫

危亭百尺瞰奔湍落日清虛縹緲間石壁倚風青鳥下  
洞簫吹月玉龍還霸苗猶在英雄夢雲氣或連吳越山  
無限興亡眼前事五湖烟水不相關

虎丘遊和張雲門韻

烟草離離接故宮劍光無復吐長虹虬髯一怒江山定

鳥喙重來苑囿空佛宇勢凌雲海日梵鐘聲和塔鈴風  
風前虎去高丘在野樹殘花泣露紅

追送徐孟岳

長洲苑前春草生騎馬送君已行東風楊柳忽淡蕩  
新水鵝鴨自縱橫青菘堆兩晚飯足白苧裁雪春衣成  
隣家有酒可贖買我欲相從聽早鶯

寄王常宗

不為春愁減帶圍自緣多病故人稀無多的人梅花在  
有幾斜人燕子歸月上湖平還蕩漿酒醒風起更添衣  
微官未得追隨去定挹爐熏靜掩扉

寄號醉樵饒介之

八卷卷八  
四  
萬里西風到井梧，冷入秋水接平蕪。清虛自是松間鶴，瘦硬何須石上蒲。千古英雄雙醉眼，四山風雨一樵夫。正須斤斧收材木，要向凌烟見畫圖。

送胡布張憲二軍咨

鳳凰出世不多見，神駒汗血非全功。子龍勇冠萬人敵，劉表氣壓三軍雄。會使策勳夸海內，何必紀姓歸遼東。遲子縱橫覽八極，當駕巨浪乘長風。

丈夫許國一何蚤，中興絞冕皆吾徒。絳火流雲赤雀下，神劍入海妖龍屠。秦人玉瑄不自惜，宋客燕石何其愚。會見清明舊鵬鸞，奮飛萬里騁良圖。

送趙智之海濱兼柬乃伯元鼎

十月蕭霜，未斂片帆歸去。雨纖纖，鴈飛空濶，雙斜影。山隔蒼茫一翠尖，自咲楊雄登館閣。誰憐膠鬲在魚蓋，到家為我寒暄問汝伯。遙應雪滿髯。

寓雲間送人之上海兼簡曲江居士

嗟予多難未能歸，念爾無家更別離。春近江花開次第，雪消沙雁落參差。英雄惟贈劍三尺，貧賤相逢酒一卮。為語海州錢博士，白頭誰與細論詩。

同雲間謝嘉書張夢辰舟

手持三尺青琅玕，鼓枻來往凌風湍。放歌吳淞江月白，濯足洞庭秋水寒。黃金何用鑄范蠡，紫尊自足供張翰。扁舟早晚落吾手，便當相逐投魚竿。

將歸吳中留書雲間齋舍

讀書喜逢明主知直節不受儒官欺  
男兒自當萬人敵少壯耻為童子師  
江拙還家何草草仲尼去魯獨遲遲  
蜀雲亭下春消息雪白梅花開一枝

元夕次韻鐵崖先生

千輪萬騎影參差畫道風光勝舊時  
珠果亂拋金並帶銀花交射玉連枝  
星綠燈映香偏密月為人留下轉遲  
白髮老仙逢盛事絲毫先詠太平詩

星斗爛褊落絳河魚龍激灑出滄波  
尋常巷陌皆車馬到處笙歌盡綺羅  
人意尚嫌春夜短燈光更比月明多  
謾教胡女傚舞細按吳兒死歌

和謝雪坡錢塘見寄

經旬不見謝宣城小楷烏絲寄遠情  
黃篋樓高春夢破綠羅衣薄暮寒生  
鶴臨沙渚鷗俱浴花落江泥燕與爭  
亦欲雨蓑拈短楫西湖新水蕩空明

送鄭本初還越

深冬未飄一片雪江梅已開千樹花  
出門上馬霜滿屋舞劍聞雞月在沙  
秦豈無人徒贈策楚雖三戶復成家  
壯懷亦有東游夢明日津頭見斷槎

赤山書事寄龜巢謝隱君君南蘭陵人今避兵

居吳長洲之獨樹湖

曾向溪南看藝麻竹杠堯子一肩斜  
秧苗尚短仍含穀

荷葉才高已上花  
蚕屋柘烟朝焙蠶  
鵲爐沉火書薰茶  
而今風雨成拋絕  
卧聽西園兩部蛙

贈勤上人別兼簡雲間陶宗儀

澄公高義動山川  
亂後今逢弟子賢  
四海交游諸老盡  
百年衣鉢一燈傳  
詩題玉几峯前竹  
社散東林寺裏蓮  
惟有赤城陶逸史  
老懷能說舊時禪

寄林訓導謨

江上雪消春水渾  
故人書札到柴門  
英雄所見自相合  
貧賤之交誰與論  
漢室山河終混一  
秦城樓閣易黃昏  
平生不識之無字  
也學相如欲賞文

長洲何明府見過

使君麾節來相訪  
正及南風百草長  
新語驚人渾爛熳  
奇才化俗更循良  
西山雲朶金銀氣  
東閣梅花冰雪香  
便欲乘槎遠相從  
鳧鷖春水綠茫茫

漫興

十日南風吹雨晴  
隣家鵝鴨傍人鳴  
蒼苔門巷槐花落  
青草池塘荷葉生  
已喜包茅來楚貢  
不勞嚮舌下齊城  
野情欲買滄浪屋  
醉詠鳧鷖歌太平

聞雪坡將還吳門

葉葉重、戴勝飛行人  
多報故人歸  
鬢從別後星、出  
花到春深樹、稀  
詩喜官閑能不廢  
身緣謀拙事多違  
便湏出郭相迎迓  
遮莫南風雨滿衣

懷王隱君止仲

小几支頤却掩書身閑喜復見秋初山林自此縱橫落  
締絡於人次第踈沙鳥浴江明白鷺水花揺雨淡紅蕖  
相知獨有王摩詰兩月無詩寄草廬

附王半軒次韻寄荅

懷刺歸來卧枕書白雲滿榻閉門初草玄未信楊雄  
病禮法從知阮籍踈短障夕陽悲蟋蟀方塘秋水老  
芙蓉南村口燥呼難得一任狂風攪弊廬

懷高著作季迪

坐看清江飲白虹不知樓閣又秋風淋漓漫禾黍蒼烟外  
零落芙蓉暮雨中富貴逼人驚變豹文章鳴世豈雕虫

清時欲草征西檄只有陳留阮瑀工

附高青丘次韻寄荅

殘雨霏々映彩虹憐君獨咏楚臺風遠江帆影秋蕪  
外故苑砧聲晚樹中壯歲漸如辭幙燕閑身猶坐蠹  
書虫雅音自古無能好莫向人誇瑟最工

江村寒食

預折楊枝插繞簷蒼蘆香軟麥錫甜春衣未染新絲織  
午篆猶分舊火添小雨送花青見草輕雷催笋碧抽尖  
不因入遠傷離別那得春愁上短髯

乘槎為目者張德元賦

百尺枯槎孕氣靈瀉花空影入滄溟星河弄月珠胎白



銀漢流雲鵲羽青坐拂珊瑚龍婉々卧看蓬島翠冥々  
不須更問君平卜認得黃姑駕綵軒

白雲深處為天平圭上人賦

上人卓錫亂雲中縹緲蓮花第幾峯行盡崎嶇方見塔  
望迷樓閣但聞鐘四山曉氣層々雨一暎秋陰曲々松  
幾度相尋問童子水流花落竟無踪

聽秋軒為方上人題

聽秋軒前秋滿庭聽秋軒裡貯秋聲噫噓萬竅西南發  
搖落四山風雨鳴定起寶花如雪墮夢回壁月帶潮生  
便須飛錫蒼梧野聞取釣天丸奏笙

雨中懷沈達卿茂卿

立春一月二十日江鷗野鷺飛滿池杏花差白淨洗面  
楊柳半青爭畫眉沈郎多病徵未起王孫不歸吁可悲  
南周山頭養親好贈以金盤五色芝

天妃宮題贈道士沈雪溪

帝遣神妃降紫芬海波搖蕩赤霞裙月明貝闕金銀氣  
日暖龍旂顛顛紋青冊簡書天上錫紺帷靈語夜深聞  
方壇露冷三花繞坐演琅函大篆文

題明皇貴妃對奕祿山傍觀圖

深院紋揪敵睡魔玉環用意覺雙蛾只因數子藏機密  
不覺三郎失着多布陣似窺龍尾道爭邊未至馬嵬坡  
有人冷眼觀成敗若箇胡兒是爛柯

問梅次趙元鼎韻

驚散溪頭一樹雲故人相別又相親兩三枝上幾分月  
四五點中多少春不入楚騷緣底事番成羌笛是何因  
芳心欲露還羞澁踏雪歸來香滿身

望太湖

天帝何年遣六丁鑿開混沌見雙青湖通南北澄水鑑  
山斷東西列畫屏挾雨龍歸霄漢暝網魚船過水雲腥  
乘風欲往終吾老角里先生古洞庭

初春二首

雪晴泥軟不生埃春水浮香上綠苔柳色嫩於鴉破殼  
筍痕斑似鹿辭胎踏青鞋靴平頭製試暖衣裳稱體裁

安得草堂江浦上紫桃紅杏一齊開

春色撩人到水涯草香蘭氣總詩材酒邀同伴嘗新熟  
花趁初晴賞半開蹴躑躅馬隨車嚮過鞦韆人送咲聲未  
直須清夜紅羅燭莫負東風玉鏡臺

春日雜詠四首

雨之風之未肯晴自年時序逼清明花無桃李非春色  
人有笙歌是太平黃鳥巧衝蝴蝶過紫騮驕趁玉駝行  
酒家不用逢人問高插花枝作旆迎

偶自循籬出遲筇刺桐花落野棠開一年春已無多在  
幾箇人曾有暇來浸穀陂塘科斗亂浴蚕時節杜鵑哀  
買山莫種間花柳多負松栽與柏栽

蘭心刺促上枯根草色淒迷入舊痕灘背無泥沙自白  
潮頭有雨水先潭龍祠神去鴉鳴樹魚市人歸犬應門  
便織蓑衣與牛薦此身只合老江村  
陋巷荒蕪野趣濃小溪春水恰船通無邊草色猶春雨  
有幾梅花更晚風文體敢期盧駱並交情惟許范張同  
歎將浪迹隨漚鳥錯比溪南是讓東

見花

聽風聽雨坐空齋不道春花爛熳開亂世身如危處立  
異鄉人似夢中來十年多故塵雙鬢萬事無心酒一杯  
明日清明改新火且將榆柳着殘灰

清明後見花狼籍

未到清明花漸稀花應憐我見春遲多情杜牧重尋  
前度劉郎再到時莫為東風愁對酒且因流水獨臨池  
短牆深處無人折留得殘紅四五枝

立夏

風雨都無半日春滿溪城鴨水迷津櫻榭子熟已薦廟  
芭蕉葉長才過人杜鰲得聞綠性拙故交雖淡却情真  
如何蓋得江邊屋臙米新荷飯綠莼

木茶爐

紺綠僊人煉玉膚花神為曝紫霞腴九天清淚沾明月  
一點芳心托鷓鴣肌骨已為香魄死夢魂猶在露團枯  
嬾娥莫怨花零落分付餘醺與酪奴

竹素圖

百尺飛樓似石渠牙籤五色照窓虛平生不惜千金費  
喪亂猶存萬卷餘秦火已來皆斷簡楚經之外總閑書  
晴雲滿榻芝香散應與諸郎校一初

我竹

斷開蒼蘚種琅玕移得瀟湘入座看宿土半含春雨潤  
短籬斜護晚風寒紫苞未見搖冰雪翠葉終須宿鳳鸞  
何處銀笙吹夜月碧袍零落滿闌干

鵝翎菊

曾隨漚鷺浴滄浪又對芙蓉試淺紅露冷有香栖晚圃  
月明無夢到寒塘綠波春草嘗晴雨黃葉秋風此夜霜

莫道淵明最憐惜右軍應為寫千行

卜流

吳人於初正以穀占人一年休咎妙成花者吉否反是

春入吳門十萬家家爆穀作生涯就鍋裂碎黃金粟  
隨手翻成白玉花紅粉佳人占喜事白頭老子問年華  
晚來分付兒童戲數片江梅撲髻斜

梅花夢

綠苔仙人曉睡濃香魂縹緲逐東風翠禽啼破春如海  
胡蝶飛來月滿空白玉樓臺渾落莫黃昏時節正朦朧  
巡簷欲問神遊處只在孤山淺水東以上元末在吳中作

徵赴京

亂後人如再得生敢於世上望聲名詩吟白屋惟安隱

詔落丹崖陡失驚鳳闕有心求柱稅鄒材何量抵擬賢  
不堪故舊愁分手揚柳楓橋第一程

到京

鬱葱王氣古金陵泰運重新感 威明臣庶梯航趨上  
國江山龍席衛高城六街塵掠秦淮過萬戶鐘聞魏闕  
鳴白髮到京期少補敢將詞賦重聲名

奉天殿早朝

雙闕暈飛紫蓋高日華雲影映松濤萬年青擁連枝橘  
千葉紅開並帶樵仗以玉龍啣寶玦珮將金兕錯銀刀  
乍晴風日忻妍美闕殿齊牙御賜袍  
錦襜綉帽列金搨玉節龍旂拱翠華甘露欺霜疑紫液  
卿雲如蓋結丹霞鶯聲近隔宮中柳駿騎遙穿仗外花  
聖主直教恩澤遍香羅先到小臣家

新正試筆

寒隨殘腊去匆匆又見年光入眼濃恨不髮如春草綠  
咲曾花似面顏紅門無賀客酬佳節座有癡兒壽老翁  
已許承恩趨鳳闕珮聲齊到日華東

雪

欵、整、復、皚、可是春冰細剪裁到處江山皆玉立  
誰家庭院不花開幾回旋繞還飛去半餉悠揚却下來  
獨有梅邊易消滅也應和氣近蓬萊

東風

曉寒衣袂欲生稜  
沉火微薰半臂綾  
內苑未消千樹雪  
東風先解一池冰  
梅驚玉笛吹邊落  
柳傍珠簾折未能  
回首帝城明月滿  
六街簫鼓萬家燈

元夕觀燈

綵鸞扶轂駕雲駢  
寶騎揚鑼逐隊行  
十里燈光欺月色  
九衢歌響雜簫聲  
綺羅香繞長春苑  
珠翠人遊不夜城  
喜極未能閒坐得  
也隨僚友看昇平

塔燈應制

百尺浮屠聳半空  
闌干十二影玲瓏  
日臨銅柱霞標爛  
風颺銀花火樹紅  
一矚騰光衝斗口  
五星揚彩入離宮  
高明願與君心並  
福照逃亡草野中

上馬

晴來未覺是春朝  
已有東風看柳條  
雪自堅牢盈尺在  
冰纔輕薄一邊消  
不愁霧暗看花眼  
且倩人扶上馬腰  
却憶探春湖上路  
小紅船子水蘭橈

新春左掖簡方員外

雞籌送曉日初長  
粉署微薰應漏香  
草色才回半痕綠  
柳條初染一分黃  
玉壺冰解春無迹  
羅幙風來澹有光  
自愧才疎非畫諾  
敢隨鳴鳳集朝陽

送周鍊師玄初還吳

玄都春暖碧桃開  
鳴佩朝天到鳳臺  
夜檄雨龍江上發  
曉呼雲鶴洞中來  
黃精却老和泉煮  
丹橘娛親遠舍栽

為問長生應有術早修真錄進蓬萊

感春

茂苑東風散鼓鼙草堂近在柳營西春衣禁酒聊存着  
詩句懷人每謾題花有底忙衝蝶過鳥能多慧學鶯啼  
閒身準擬看山色又復朝參逐馬蹄

春日出郊

偶臨春水賞春晴便覺身隨步履輕人面映花渾一色  
竹音和雨恰齊聲衣從典盡湏沉醉簪未容投且暫行  
除却鳳城佳麗地更於何處樂昇平

送植太祝代祀四瀆

馮夷擊鼓走黃能夜報祠宮代祀來虎節不湏桐柏去

龍香且向呂梁開古來河海猶三望今日風塵尚九垓

若對壽春城下月可能卮酒酌荒萊

黃能之能巨來及水中三足鼈名也

應制送安南使臣杜相之還國

都門車馬曉駢：勅送陪臣萬里歸使者重聞新寵詔

嗣王仍賜舊頒衣驛亭五月蕉花落江路南風荔子肥

歸報大廷方徹樂也知存沒感 皇威

送僧住姑蘇北禪

六年江海一論心又聽鐘聲出禁林歸路暖風芳草合  
講堂春雨落花深未許葛老三編論獨愛常郎五字吟  
水月仙人塵不染待君重振海潮音

悼楊文舉博士

白髮蒼髯老太常亂離終喜得還鄉八分書古追東漢  
七字詩工到盛唐謫文已無書滿屋病多惟有藥成囊  
我慚同姓曾聯職宿草西風淚數行

送鄭與權之官七閩

七閩地暖不飛雪山路早行仍衣綿黃金結客記昔日  
白髮上官非壯年荔子曉風人似玉枕柳春雨樹如烟  
還家定跨揚州鶴流水寒松遠墓田

題玉真觀

五色琳宮綴玉題萬年瑤冊秘金泥屏風盡是青山疊  
旖旎都將綠樹迷雲氣長陰時嘯虎日華先曉夜聞雞  
閒身願得同真侶卧看吟之鹿引麝

送俊用章上人還中竺

五色雲函貝葉牋寶幢花雨下諸天繞參闕下獲龍會  
又赴山中鹿豕筵萬法西來知幾劫一支東指已千年  
行當着屐藤蘿外共看峯頭玉井蓮

春宵樓

春宵樓上人如玉一刻光陰直萬錢簾底按歌風細之  
酒闌私語月娟之錦窩香暖雲初散羅幙燈昏客未眠  
莫怪銅壺大催促長門猶嘆夜如年

狂歌

東風十日不成雨北郭兩山吹作塵縱橫自可二千石  
貧賤何須七尺身醉後狂歌皆慟哭老來春色最傷神



即將建業城邊柳持贈山陽笛裏人

秦淮官舍春懷

潮來灘鬣綠沈沙獨坐微吟送物華強健憶曾身侶犢  
風流那復髮如鴉十年金谷園中友三月長安馬上花  
春色正濃人意好且教群吏暫休衙

晚春三首

旌旗獵獵繞高城曲水飄香出綉楹雨韻風顏枝外蝶  
花遮柳映樹頭鶯乍籠紗幘羞容老試着羅衣覺體輕  
猶憶醉歸湖上路滿身飛絮馬縱橫

宮樹參差帶苑牆暖塵兼霧撲衣裳新蒲細柳皆春色  
紫燕黃鶯欲斷腸沽酒客來花未落枝除人去水猶香

老懷無復登臨賞坐對鍾山到夕陽

辛夷如雪照庭柯老去愁驚日易過芳草漸於歌館密  
落花偏向舞筵多故人別後皆黃土南浦春來又綠波  
便欲移家向曲住採芝種玉此山阿

寓江寧村居病起寫懷

落梅風急晚蕭蕭病起愁雲盡消危酒不添前日量  
帶圍初減舊時腰高樓錦瑟花連屋深巷珠簾柳映橋  
準擬青鞋踏春草看他翡翠戲蘭苕

病體支離倦翠巾偶因行樂見陽春梅緣何恨尋常瘦  
柳故多愁日夜顛夢裏笙歌隨驥裏畫中羅綺綉麒麟  
相期款就吳姬飲却恐江花咲客貧

性懶逢春睡轉昏曉鶯多在夢中聞故人錦字憑誰寄  
學士銀魚每自焚布穀雨晴宜種藻蒲萄水暖欲生芹  
相思未信蓬山遠只隔江東一片雲

望盡吳山是楚峰一緘芳信託歸鴻丁香暗結盈人露  
苴蕊微含細々風春水染衣鸚鵡綠江花落酒杜鵑紅  
此身曾是登瀛客未信扶桑弱水東

不知殘雪是春光起見輕雲覆野塘春草春江相妬綠  
新鶯新柳鬪爭黃囊無太史新頒曆衣有容臺舊賜香  
但使清尊花底醉任教白髮鏡中長

東風拂柳軟婆婆野鳥啼春聽未和世事不隨人意好  
雨聲偏為客愁多回文象小香如蟻四面杯深酒醒  
一帶春江皆碧草却愁無地着漁蓑

醉舞狂歌四十年老來參得小乘禪東風未濕墻腰雪  
細雨微添石眼泉無數白鷗閑侶我一江春水碧於天  
莫言竺澤非彭澤定擬金川是輞川

坐對青山覺眼明山應憐我眼偏青一官不博三竿日  
萬事無過兩鬢星花底蛛絲迷蛺蝶草根蝦族變蜻蜓  
文章無預封侯相莫向人誇識一丁

十里吳堤踏暖塵老懷忽憶故鄉春泥金孔雀裁歌扇  
刻玉麒麟壓舞茵翠袖錦箏邀上客畫船銀燭照歸人  
而今白髮東風裏疑是前身與後身

門外春泥一尺深窓間雲氣十分陰寒毡溜雨衾如鐵

濕竈凝烟火似金酒解驅愁時強飲詩多感舊懶長吟  
貧家不願千金粟但得陽烏照晚林

新柳

濃如烟草淡如金濯人姿容裊人陰漸軟已無憔悴色  
未長先有別離心風來東面知春淺月到梢頭覺夜深  
惆悵隋宮千萬樹淡煙踈雨正沉沉

春草

嫩碧柔香遠更濃春來無處不茸茸六朝舊恨斜陽裏  
南浦新愁細雨中近水欲迷歌扇綠隔花偏襯舞裙紅  
平川十里人歸晚無數牛羊一笛風

春水

溶溶漾漾欲平橋知是巴江雪盡消紅雨落花來袞袞  
綠烟芳草去迢迢沅湘已沒鷗邊渡溘浦新添鷺外潮  
向晚漁郎走相報大家齊上木蘭橈

樹底

偶自無眠樹底行不關春色惱人情蛙當靜夜聽漏急  
鳥並深池宿屢驚楊柳無風偏裊娜梨花有月更分明  
春江一派東流去剛道波聲為不平

白髮

江柳逢春已變金雪消江水到門深青山識我歸來意  
白髮消人仕宦心半醉半醒花冉冉閑愁閑悶雨沉沉  
莫言萬事中年後不是中年已不禁

減衣

春衣初減覺身輕  
老眼緣晴遠倍明  
濯足愛臨流水坐  
看山羞逐少年行  
江花一色多於雪  
野鳥雙啼巧似鶯  
莫道飄零易傷感  
故鄉應更不勝情

清明寫懷

江樹龍葱入苑青  
核除時節又清明  
漢宮蠟燭分烟出  
唐女羅衣傍水行  
一片花飛愁燕  
二分春去怨鶯  
人生幾度東闌雪  
莫道黃州自有情

江畔尋花偶成

細草平沙暖更融  
謾隨胡蝶步東風  
衰髯照水疑添白  
老眼看花覺厭紅  
且自細聽鶯宛  
莫教深惜燕匆匆

江村到處皆春色  
聊與行人吊客中

偶隨流水到花邊  
便覺心清似昔年  
春色自來皆夢裏  
人生何必盡樽前  
平原席上三千客  
金谷園中百萬錢  
僥仰繁華竟陳迹  
野花啼鳥謾留連

上巳對雨

三月長安草滿坡  
年之修禊襟筵歌罷人  
羅袖珠腰袂  
中使銀鑰錦鞞靴  
江上之只今春雨暗  
水邊何處落花多  
不須惆悵關元事  
病之山陰長蘚蘿

再用前韻書事

春來不到鳳凰坡  
辜負江頭白苧歌  
輕薄衣裳宜換袂  
軟紅泥土不沾靴  
鶯綠夢短啼帶雨  
為花踈厭聽多

只恐新晴便零落南風吹老樹陰蘿

溱水遙連洧水坡周人按舞鄭人歌輶轡回轉秋千索  
龜甲斜縫蹴鞠靴轍迹不教青草合鶯聲偏向綠楊多  
而今折贈無紅葉枳棘蒙茸蓋女蘿

莫將南浦擬東坡且對吳兒唱楚歌醉裏那知髯似戟  
老來方信面如靴驚人事業非難做傳世文章不在多  
步逐東風看花柳幾時山月照烟蘿

春日白門寫懷用高季迪韻

得歸雖喜未忘悲夢裏愁驚在別離尚短柳如新折後  
已殘梅似半開時江雷啟夜虫蛇早山雨崇朝蛟蝶  
製取烏紗籠白髮免教春色笑人衰

萬里歸來戴鶻冠老懷無復舊時歡沙邊野水鷗隨浪  
竹外青山鶴從看花信幾番風作陣江聲連日雨添寒  
無心車馬千鍾祿有幸茅茨一榻安

柴門斜對曲江頭農具漁罾晚自收細雨短莎寒似臘  
淡烟新柳暝如秋鷗能來往綠曾識鶯或丁寧解說愁  
回首故交零落盡更將詩酒與誰遊

阮途無用苦悲窮已拚衰顏漸老翁沙鷗隨春衝北雨  
江花迎暖待東風文章誤我虛名在貧賤輕人舊業空  
惆悵成臯遠謫地夜闌猶入夢魂中

綠髮無多白髮長謫居還復是他鄉風紉晚佩猗蘭弱  
雨滴春蔬早韭香碧柳五株千本菊黃牛十角一群羊

得閒隨地為農好不獨長安與洛陽  
未即移家返弊廬且携妻子傍村墟千金已費床頭劍  
一字無存架上書短髮恨因多難白故交慚為久貧踈  
浮名薄俗看俱幻獨有耽詩癖未除  
遠歸偏惜竄餘身多難番為異姓親前度劉郎非故物  
當時燕子摠西隣家貧母老難為客酒薄愁深不醉人  
走向津頭看春色綠波芳草却傷神  
綠蕪迷渚水漫沙斷岸無舟路轉餘細柳已黃千萬縷  
小桃初白兩三花烟中晚棹兼漚遠雨裏春旗趁屋斜  
野趣莫嫌渾寂寞近來沙鷺有人家

春暮有感

春色鮮明不稱貧越羅川錦照烏巾斜陽芳草遲々晚  
流水桃花去々春萬里歸心漚送客片時閑夢鳥雁人  
五湖風雨烟波闊便着青蓑採白蘋  
啼鳥匆匆變物華雨池科蚪漸成蛙青鞋謾踏閒邊草  
白髮羞簪醉裏花此日驂鸞思首肯當時鸚鵡喚琵琶  
遙憐簫鼓追遊地薺麥青青已沒鴉

夜坐

看雪曾登百尺樓江頭回首又新秋虛名未死猶相累  
舊業雖貧底足憂身暫得閒如換骨心長無愧勝封侯  
夜深風露涼如許坐對明河澹々流

漸老

漸老無營萬慮沈鶯聲喚起向來心春風顛似唐張旭  
天氣和如魯展禽結客每酬雙白壁煙頭曾費萬黃金  
短筇消得江村路步：薔薇綠樹陰

畚李仲弘寫懷次韻二首

休對清江嘆逝波且拋簪珮著漁蓑愁邊卮酒歡娛少  
老後文章感慨多燕子綠蕪三月雨杏花春水一群鴉  
聊將白髮歸來意總和東風懊恨歌

春來渡口足風波獨立船頭舞短蓑高柳忽驚啼鳥變  
故園應是落花多尋人不敢門題鳳愛客都將字換鵝  
獨有屋西山數疊也應憐我醉時歌

移家

不思歸隱却移家旋買輕舟繫淺沙飲興已拚今後絕  
吟情方悔向來差龍將急雨拋成電虹入輕雲映作霞  
交友十年零落盡與誰同看上林花

寄張學錄孟兼揭應奉孟同二文學

何用聰明萬卷書自須卑陋一廛居草於閒處生偏家  
花到春深看漸踈綠水滿渠澆藥後青山無數卷簾初  
相過莫道柴門窄細柳高槐可蔭車

寄潛齋夜坐聽雨

獨凭書几坐空齋靜裏孤蛩語自哀兩點故隨更點落  
秋聲偏逐鴈聲來一奩香篆銷仍在兩穗燈花鬱未開  
不用追思十年事此心今日已成灰

不寐

斜河轉影月當櫺舊事牽愁酒漸醒半紙功名雙夢蝶  
十年辛苦一囊螢麒麟照眼嗟還失鴻雁驚心忍暫聽  
如此老懷如此夕髮毛那得不星

雨中獨坐有懷榮易道中用寄潛齋夜坐韻

山色秋光澹遠齋雨聲虫響互悲哀清尊憐我攻愁去  
白髮欺人送老來江柳淨無餘葉在渚蓮遲有一花開  
馬蹄却憶成臯路野燒西風滿面埃

早秋江墅晚步

秋前秋後十日雨村北村南千頃麻晚渚芙蓉輕落片  
午前秔稻細舍花仙翁蠟屐高巾幘溪女銀釵小髻髮

老我不知官府事水邊吟到日西斜

自咲用前韻

自咲多愁髮有華懶求真訣飯胡麻庭蕪綠是今年草  
籬橫紅非昨日花西月墮江沉半壁北山當屋露双鬢  
此身那得如鷗鷺雨泊風飄片斜

梅杏桃李

落莫香魂繞舊宮誰知色相本來空笛聲黃鶴高樓上  
詩句孤山小店中曉樹烟霜千萬點晚籬松竹兩三叢  
相思只尺憑誰寄目斷天南字鴻

右梅花

當時庭館醉春風客裏相逢意轉濃只恐胭脂吹漸白  
最憐春水照能紅一枝爭買珠簾外千樹遙看小店中



惆悵先生歸去後江南烟雨又濛濛

右杏花

深翠竹映嬋娟湘女梳粧立曉烟流水落花成悵望  
舞裙歌袖是因緣也無人折休相妬總有鶯啼更可憐

却憶東闌碧千葉暖風香雨為誰妍

右桃花

憶與盧仝共看東花光月色兩徘徊江村遠處長相識  
風雨寒時已早開霽雪玲瓏愁易濕春冰輕薄咲難裁  
江城二月城西路誰惜柔香滿翠苔

右李花

右仕在京并開居秣陵江畔作

眉菴集卷之八

眉菴集卷之九

七言律

吳郡楊基孟載著

罷職初寓句曲山居

在句容縣南一舍近三茅峯昔陶隱居所處也

兔迹且留鳥投林脫彼官資暢此心便覺夜來清夢出  
始知人住碧山深詩窮任使金銷索酒樂何妨雪滿簷  
更擬怡雲問弘景華陽仙洞事幽尋

賣袍

鷓鴣行中舊賜緋團花分縫織秋葵齋宮夜直雞前著  
內殿春朝馬上披仙露滴身猶點點御香薰袖尚離離  
山中無復瀛洲夢換取金錢當酒貲

寄諸葛同知彥飛

白髮慵梳步屣遲老於田野最相宜每當酒熟花開日  
正值身閒客到時雪屋夜燈因婦織月波秋舫為僧移  
而今此樂同誰說只有鄉人馬遠知

宜秋軒對月并序

余自罹患奔走南北佳景良辰往往愧負及  
來杜曲時豐景幽秋氣既中月色倍常自十  
四至十七與杜氏兄弟舉酒邀月夜分乃休  
感佳節之難逢而良會之易失也夜賦一詩  
以示諸杜留以為故事云洪武辛亥寓句容  
仙家玉斧斲猶偏天上瓊樓看欲全未滿固當勝既滿  
已圓終不似將圓今宵對影人先醉明日成珠蚌有緣

惆悵吳宮與唐殿冷風魚鑰夜如年

右十四夜

龍宮浮出白蓮花海宇通明濕素霞琪樹有陰銀闕冷  
玉盤無缺絳河斜十分夜色初開鏡多少離人正憶家  
但舉觥籌行百罰莫聽更鼓疊三過

右十五夜

已覺來遲未捲簾漸經樓閣照東簷清光念爾隨秋減  
白髮憐余向曉添自對嫦娥歌宛々誰教楊柳舞纖々  
昇州憶似鄞州看香霧雲鬟濕翠奩

右十六夜

坐爰星繁影漸虧也應天轉玉輪歌葵丘伯主初盟後  
天寶君王欲倦時繞樹鵲驚霜落早吹簫人恨夜眠遲  
不須戚々悲圓缺長使清光灑酒卮

右十七夜

中秋約登茅峯不果寄羽士蔣玉壺

仙人待月大茅峯樓閣高寒近可通表裏山河俱皓白  
古今烏兔自西東一塵不住空明外萬象都懸倒影中  
欲便吹笙跨黃鶴人間或有兩兼風

宿清光道館簡羽士巫山隱

手闋靈文對羽流道心真境兩清幽雙松過影知將晚  
一雨生涼覺近秋丹井有靈泉似玉石碑無恙字如鉤  
欲求大藥調精魄却笑山人已白頭

哭高季迪舊知

鸚鵡才高竟殞身思君別我愈傷神每憐四海無知己  
頓覺中年少故人祀托友生香稻精魂歸丘隴杜鵑春  
文章穹壤成何用哽咽東風淚滿巾

右寓句曲作

豫章早春

葦草色變枯菱斂寒梅落迳苔山頂雪惟朝北在  
水邊風已自東來不須銀管催鶯出便好珠簾為燕開  
見說嶺南春更早梅花流水勝天台

登洪都城憶滕王閣故基

豫章城郭楚江濱帝子笙歌迥不聞十載以前猶有閣  
三王之後豈無文春風南浦青草暮雨西山淡雲  
若對畫圖悲蛺蝶落霞孤鷺正思君

浦口逢春憶禁苑舊游

春冰消盡草生齊細雨香融紫陌泥花裏小樓雙燕入  
柳邊深巷一鷺啼坐臨南浦禪流水步逐東風唱大堤

還憶當年省花伴錦衣駝馬玉門西

過豐城

雲樹參差接遠汀，隔沙誰識是豐城。  
芙蓉不禁行人採，薜荔多依古樹生。  
寒店雞聲烟寺遠，滄江鴻影暮川晴。  
欲將三弄桓伊笛，吹向船頭喚月明。

夜泊臨江城下江清月白悵然有懷

萬里清江急有聲，一篷愁影對寒檠。  
當時鸚鵡杯中酒，何處龍香火底笙。  
斗轉東南知夜半，月臨子午應潮生。  
不多鏡裏青鬢髮，又向今宵白幾莖。

省垣對雨有懷方負外

老去惟耽是詠詩，擬將詩癖待君醫。  
何愁不到王摩詰，自恨無過杜牧之。  
城外綠陰聯騎日，省中春雨聽鶯時。  
歸來莫待秋風後，荷葉荷花正滿池。  
煮得新醅灑々紅，省垣誰與晚樽同。  
人當暫別情偏惡，詩到無聊語更工。  
江浦荷花雙鷺雨，驛亭楊柳一蟬風。  
論文若到虞楊地，應對清江憶范公。

江郭對雨

鷓鴣催雨一雙啼，江郭崇高竹樹低。  
嫩葉暗將枯葉換，新梢爭與舊梢齊。  
席因留客長虛左，簾為省山盡捲西。  
自嘆為郎今白首，也曾通籍向金閨。

寄牛理問斗南

每嘆揚朱各一毫，恥將刀筆事蕭曹。  
鯨鯢未覺滄溟濶

鷹隼寧知華岳高白壁一雙酬劇孟黃金百鎰鑄山濤  
小牕新種娟娟竹深映春風紫蒂栴

懷班大叅景通

一榻凝香省署西短屏深掩樹陰低咲談每為相知發  
詩句惟應送別題不以學從當世曲直將名與古人齊  
別來幾日偏相憶風雨江村半夜鷄

懷萬郎中伯王

憶曾簪筆侍金鑾華髮驚看照鷓冠情可承家如有子  
俸能供祭勝無官杯緣量減常先醉帶為愁多覺屢寬  
應念故園秋色裏露珠香滿菊花團

寄劉儀部子高

開遍芙蓉雨滿津西風又冷楚江蘋眼前簪綬流如水  
天上羲和釀得春黃葉亂蟬南浦樹紫髯一騎上京塵  
此時詩興誰能識還憶山陰賀季真

懷王節推彥文

烏帽輕籠雪滿簪古苔怪木訟堂深官清猶有長憂色  
年老惟存不競心與吏議刑秋寂寂教兒讀律夜沉沉  
酒闌可解時相憶月落霜飛鵲繞林

立秋日懷方貞外

幾日西清晝掩屏綠塵幽蘚遍閒廳病中事少翻嫌健  
醉裏愁多只願醒候響閣鈴飛夜鵲偶攤書卷落秋螢  
萍蹤已辨東南別風雨長更各自聽

次前韻遣興

已覺新涼入畫屏江聲樹影在西廳人情近午猶思浴  
客夢驚秋却易醒月淡渚蓮香掩鷺雨深池草濕栖鶯  
從今不恨無情緒茅屋西風細聽

冬夜宿江右省垣懷劉子高司業

暖微宵耿玉繩澄夜色麗觚稜月明鳩鵲千枝雪  
霜冷枇杷一樹冰魚鑰戒嚴森畫戟鳳團銷醉擁青綾  
瀛洲盡是群仙府鶴背應須得共登

七月三十日祖母初度時年八十九

白髮青瞳壽者身每逢佳節話咸淳百年未盡四千日  
東歲還週九十春遷客無家空望拜孤臣有衣竟誰陳

今朝風雨茆茨底應對兒孫說遠人

思親

一割鴻溝消息稀隻身湖海尚流離乾坤何事有今日  
父子可憐逢此時悵望只添新涕淚艱難應變舊鬚眉  
愁心恨不隨春雪飛上吳山椿樹枝

將歸金陵留別省垣諸友

吳山歷歷向東遙望盡寒雲意未消多難定煩慈母憶  
暗魂時賴故人招曉霜猶凍枇杷樹春雨還生杜若苗  
歸去不愁江水濶野鷗群裏木蘭橈

右仕江西作

望夫石

在采石東山上

古荔荒苔綠滿身至今翹首望歸人玉容已化峯頭石

戰骨應為塞上塵風雨不銷千載恨鶯花又度一番春  
誰將湘女爛編竹種向東風似有因

登娥眉亭在牛渚山

娥眉亭上看秋山低覺輕颺淺淡間雨過微雲添一抹  
晚來新月闌雙鬢不愁商女行相妬長恨離人去未還  
我亦峨眉山下客偶因西眺憶鄉關先生祖蜀中故木句及之

謁小姑娘廟

月被星冠敲翠屏白腮紅頰兩眉青魚鱗小殿波紋滑  
龍尾長旗雨氣腥巫文沉牛歌死轉彭郎回馬拜娉婷  
蘭舟願祝東風便一夜夷猶過洞庭

大姑山廟遇老衲年七十餘云是東林寺僧時

廟厄田祿方謀建興有作

白髮星々照赤髭春風邂逅水仙祠  
我昔陶盡渠是前生遠法師結習已空終不染塵根俱盡竟何田  
猶將大乘神通力咲寄須彌向一枝

鄱陽湖喜晴

鄱陽湖裏看春晴山色波光蕩漾明短髮已羞芳草紅  
閑身應羨一漚輕風來柳上偏無力雲到松梢更有嗔  
却羨蘇堤舊游路碧桃千樹響流鶯

舟泊潯陽懷申屠衡

江烟漠々草薺々且泊蘭舟近水南一鷺暝投槎外石  
雙鴻低拂樹邊嵐夢隨春雨歸華屋愁逐東風上短簷

柳色漸深入漸遠幾時花裏共停驂

晚泊湓浦逢冷節

小雨籠陰護晚霞柳邊停棹聽啼鴉湖光已綠皆春草  
風信猶寒是杏花到處青鞵隨蛺蝶誰家紅袖泣琵琶  
匆匆客裏逢佳節那得行人髮不華

過黃州

當年逐兔跨神州此地群雄首建謀亂後江山猶故物  
春來花草亦新愁歸人拜塚營茅宇過客停舟問竹樓  
惆悵臨臯驛邊柳淡籠烟雨白沙鷗

武昌夜泊懷古

鄂渚柔莎夜雨餘漢陽雲樹暮烟初休誇健筆題鸚鵡  
終悔空絨託鯉魚遺臭功名成底用泥人塵土欲何如  
滔、黃鶴樓前水日夜東流恨未除祢衡殷浩桓溫庾亮

呂仙祠

祠在黃鶴樓東江山形勢非神仙不足居此  
風清月白之夜時聞鉄笛之聲

兩點方瞳漆有光紫髯眉綠面如霜千年一咲來黃鶴  
三度長吟到岳陽日月自隨天地老江山不為古今忙  
又携鐵笛瑶池去亂插桃花醉一場

過洞庭

雨後春江似潑醅洞庭猶更綠於蒼碧湘樓閣千花繞  
紫府旌旗十殿開春色不隨流水去暮雲長帶客愁來



間身也是滄浪客鷗鷺匆匆莫浪猜

過洞庭龍君廟

陰、紫殿蕭神都地位清巖鎮五湖水府奏工題玉檢  
淵泉錫爵送珠符兩分赤鯁衝波出風過青鼉踏浪呼  
時有蠻商獻袍笏廟前拋肉飼神鳥

岳陽回仙有題

夢覺邯鄲月未西碧紗斜插杏花枝丹霞淺淡微生頰  
白酒甘甜不上眉戲畫榴皮成鶴舞咲揮銅劍作龍騎  
夜來小宴瑤池上贏得麻姑一着棋

夢覺

囊衣單薄籍無糧天氣將寒每自憐歲月無情人老大  
風塵如此路三千片時兒女燈前咲多在閩河盞裏船  
那得全家江浦上短蓑微雨卧秋烟

舟中聞隣船吳歌有懷幼文來儀

輕帆短檝泝烟波疊渚回舟柰遠何一路詩從愁裡得  
二分春向客中過江通漢水晴偏綠山入湘雲晚更多  
何處思君腸欲斷楚妃祠下聽吳歌

途次感秋

嫋々西風吹逝波冥々灑氣逼星河宣王石鼓青苔滋  
武帝金盤白露多八陣雲開屯虎豹三江潮落見鼉鼉  
沅湘一帶皆秋草欲采芙蓉柰晚何

渡漢江

九天灑氣肅高秋萬里銀河入海流西楚人才多用晉  
中原豪傑暫依劉久無翠羽供王貢時有形弓賜列侯  
自惜飄飄雙短鬢也隨江漢一輕鷗

經潭州哭李太守

潭州即今長沙太守名  
麟字子威死節忠臣

丁卯科中第一人誓將孤壁障妖塵百年事業歸儒者  
萬里江山泣老臣肝膽當時紹余闕英靈此日配張巡  
我來竟就船頭拜一盞寒泉薦綠蘋

三湘

曾向三湘望五溪水源洎盡流西狂思醉裏千鍾少  
老覺人間萬事低移艇出江當月上煮茶消睡恰鶯啼  
近來詩句慵思索逢着青山輒謾題

過黃陵廟

萬里蒼梧接桂林九疑雲氣隔湘陰東風又洒瀾瀾淚  
明月長懸悵望心雨裏鷓鴣春色晚廟前莎草落花深  
荒碑獨有元和刻苔色蝸涎已半侵

江邊尋花值雨

獨自尋花傍水濱霏霏小雨浥輕塵正憐啼鳥能留客  
却笑東風也妬人柳色半昏先近晚梨花漸濕更多春  
湘娥應解知人意兩點脩眉結翠顰

興安道中

青山一半入青雲碧磧千回轉夕曛松碣看來多漢刻  
竹祠隨處是湘君路經徭洞諸峯直泉入灘江雨派分

莫據孤鞍聽蜀魄野棠踈雨又紛紛

二月晦日來陽江口寄書

自咲無家類轉蓬年光何事更匆匆  
數聲鶯響千山裏  
一樹花開萬竹中夜入瀟湘偏厭雨  
春來杜若自宜風  
兒童別父應驚問華髮飄蕭侶老翁

祁陽道中見海棠

桂陽江口望祁陽壘  
烟雲入渺茫高樹綠陰千  
嶂濕  
野棠踈雨一籬香  
縱無春在猶回首  
況有鶯啼合斷腸  
惆悵東湖堤上柳  
暖風輕絮正悠揚

衡陽有懷

寒郭沿洄楚水陰鶯花寂  
雨沉沉江山不盡登臨意  
節序偏驚老大心  
客裏茶烟長自吟  
衡陽柳色為誰深  
峯前亦有回歸鴈  
不肯隨人到桂林  
鳴鳩日夕喚春陰  
坐挹爐熏萬慮沉  
對雨片添鄉國恨  
看花無復少年心  
烟皆榆柳青猶淺  
水是瀟湘綠更深  
不道沙邊有城郭  
短籬茆宇映疎林

客中寒食有感

客舍蕭條百五天  
衡陽城下柳陰船  
梨花又濕初晴雨  
草色仍含已禁烟  
車馬看花悲昔夢  
綺羅傳燭待明年  
三吳八桂東西路  
萬里空山哭杜鵑  
減衣時節尚寒天  
暫倚東風泊畫船  
十里樓臺仍細雨  
五侯池館又新烟  
且簪楊柳醉佳節  
莫對桃花憶去年

總是无情也。腸斷鷓鴣聲裏，又啼鷓鴣。

桂林與蔣張二指揮觀兵

大字青旗寫豹韜，連環金鎖束征袍。千艘夜泊烟江闊，萬竈晨炊瘴嶺高。無領將軍髯似戟，鷓鴣形似鷹面如刀。自慙不得同高適，走馬西河看屬纛。

桂林即興二首

曾見重華巡狩來，離江廟宇野棠開。山無檜柏皆岩穴，地有芰苓盡藥材。花布短衣齊膝製，竹皮長帽覆眉裁。也應風土交州近，丹荔紅椒不用栽。

江為池塹石為城，南去蒼梧兩日程。碧殿尚存虞帝像，青山不廢伏波名。蘭根出土長斜掛，榕樹成門却倒生。

時有苗人與徭女，負薪輸布事科征。以上一作奉使湖南廣

聞江聲有感

歲事匆匆兩鬢星，坐看簷影下虛屏。寒梅向暖商量白，舊草迎春斷續青。夢以俗牽終夜惡，酒因愁散片時醒。秦山密雪巴山雨，不似江聲不寸聽。

晚發瓜洲

江花江草望中稀，相趁畸人萬里歸。鷗逐晚潮爭北上，鴈隨春雨向南飛。船頭野老新巾幘，馬上王孫小帶圍。嗟我遠來頭總白，洛陽塵土滿征衣。

宿揚州南門

春風曾在此停舟，白髮重來又杪秋。何事瓊花猶古物，

當時玉樹總新愁孤城小驛連荆杞野水荒墳見鬪髀  
夜靜有人船上哭可應鄉井是揚州

舟次邵白有懷徐幼文

文章小技駐雕虫也逐群才赴洛中多病不宜秋色裏  
相思只在暮江東雞豚籬落茅茨雨鳧鴨陂塘菡萏風  
歆買一樽澆寂寞傷心不與故人同

過高郵即景

蒼烟斜日照孤城嗟我情多却倦登田豕白蹄高似鹿  
野蠶花股大於蠅人家結屋多蘆葦官府輸租半藕菱  
莫向西風詢往事旅懷蕭索豈堪勝

淮安新河候船

城郭逶迤曲遠河塵沙滿眼北風多行人淚落山陽笛  
逐客魂銷郢水歌江總歸陳嗟老矣淮陰在楚柰貧何  
明朝又鼓征西棹帆影翻々逐逝波

至龜山有題在盱眙

魚鼈為訶激怒瀧腥風沫雨濕蓬窓寶珠佛像山王護  
鐵鎖神工水母降石勢參天龜出洛潭光照夜蜃浮江  
我行未暇求陳迹且醉船頭濁酒缸

夜宿開封郡齋贈林通判

輝々燈影照更闌卮酒憐君為解頰鏡裏風塵雙白髮  
夢中烟雨萬青山逢迎意懶長思靜撫字才疎歆乞閒  
母德君恩俱未報不勝悲感淚潺湲

懷汝寧許知府

能以寬閒繼古風府中無事不從容諸生秋試多高選  
八縣春耕少清農富貴何須皆汗馬文章正欲去雕虫  
同庚况有聯曹誼風雨相思意萬重

太原春日郊行

履齒車輪更馬蹄綠莎隨處踏或蹊無人為惜閑花落  
有暇來聽好鳥啼步屨愛沿流水曲開懷欲與衆山齊  
詩成誰復吹簫和却向藤蘿石上題

清明懷故園

縷々輕烟細々風秋千池館萬家同高低草色相參綠  
深淺桃花各自紅人意盡隨流水去風光都在咲聲中  
多情白髮并州客坐對西南雪滿峯

春日山西寄王允原知司

并州春半無花可賞追憶舊遊情動手中圖賦長句  
五首公退之暇詠而味之庶幾春色之在目也允原  
知司善咏詩者就錄以贈是詩元生無親筆知司曾孫

十里烟光濕翠茗二分春色到花朝無人快擊華奴鼓  
有伴同吹弄玉簫遍地錦圍歌處席滿身珠壓舞時腰  
莫嗔老子踈狂甚曾醉揚州廿四橋

藥苗初茁水生紅老麝収香廉養茸二月春光絕霽雪  
一番花信又顛風參差鸚鵡全身白淺淡棠梨半面紅  
正是江南寒食近滿簾飛絮雨濛々

畫船搖棹蕩晴波步障圍風踏軟莎簫鼓隊衝黃鳥散  
綺羅人比白鷗多不知酒與愁成敵長恨花為病作魔  
回首六橋青草徧水光山色近如何

花時無處不黃鸝偏到垂楊着意啼人立晚風携便面  
馬臨春水惜障泥踏歌趁拍催腔急旋舞回身應節齊  
遙想故山行樂地紫苔侵遍十年題

一莖白髮已堪嗟况是寒風兩鬢華醉裏誤將裙作草  
老來羞以帽簪花踈狂不識眉雙結敏捷曾經手八叉  
閒喜日長公館靜自分新火試新茶

寄舊契張來儀

秦山萬點接烟霞東出關門鬢已華無柰異鄉仍哭子

可能孤館不思家貧逢北客長賒酒飲比南人只喜茶  
我住東林數間屋每同談坐到栖鴉

懷宋大叅公巖

西山暮雨對秋屏曾共啣盃話北征五月雪花猶亂落  
一春沙草未全生曉因謀使窺邊畧夜間降王為虜情  
東閣晝長香篆小盡繙圖畫憶經行

寄陳晉勾則威

全晉封疆寄太行西來絳水入平陽平山草樹唯無竹  
七月衣裘已有霜俗喜背牛兼帶犢人能擒虎類驅羊  
憐君詩思清無敵細覓寒梅認色香蘇州途中并在河

無題和唐李義山商隱

嘗讀李義山無題詩愛其音調清婉雖極其穠麗然  
皆託於臣不忘君之意而深惜乎才之不遇也客窓  
風雨讀而悲之為和五章

一瓣芙蓉是綵舟  
棹歌離思兩夷猶  
風鬟霧鬢造相憶  
月石雲窓許暫留  
波冷綠塵羅襪曉  
恨添紅葉翠顰秋  
雙鸞鏡裏瑤臺雪  
任是無情也上頭

綵向瑤臺覓舊踪  
曙鴉啼斷景陽鐘  
薄施朱粉粧偏媚  
倒插花枝態更濃  
立近晚風迷蛺蝶  
坐臨秋水亂芙蓉  
多情莫恨蓬山遠  
只隔珠簾抵萬重

細骨輕軀不耐風  
春來簾幙怕朝東  
人間玉宇三山隔  
天上銀河一水通  
眉暈淺顰橫曉綠  
臉銷殘綺膩春紅  
水絃莫奏清商曲  
滿地霜華泣翠蓬

夜合花邊待月來  
宮中輕轆響春雷  
笙調悵譜參差度  
錦織愁紋宛轉回  
樓上綠珠知報主  
座中紅拂解憐才  
傷心兩炬緋羅燭  
吹作銀荷葉下灰

為雨為雲事兩難  
蕙心蘭質易摧殘  
等移錦柱秋先斷  
漏滴銅壺夜不乾  
羅幙有香鶯夢煖  
綺窓無月鴈聲寒  
芙蓉一樹金塘外  
只有芳卿獨自看

附沈通理次韻無題五首

通理居蘇之崑山宣德正統間詩人

蘭槩雙歌倚桂舟  
隔花臨水思夷猶  
香囊玉佩勞相贈  
綉幄銀屏惜共留  
愁繞鳳臺秦樹暝  
夢回巫峽楚雲秋  
多才苦被春情惱  
鏡裏潘郎雪滿頭  
行雨行雲少定



踪夢回時節怕聞鍾竹枝寄恨心偏懶  
桃葉題情意轉濃香冷綉鞍閑  
驟裘燭殘金障掩芙蓉紅樓綠水無多  
遠如隔江山幾萬重  
纖纖斜日弄微風腸斷仙山碧  
海東鸞鏡有塵空自掩鴈書無路若為通  
愁橫柳葉眉顰翠泪濕  
桃花臉暈紅盡道芳年易憔悴  
莫教青鬢作秋蓬  
油壁香車幾度來  
赤闌橋畔起驚雷  
夢隨暮雨陽臺去  
愁踏春波洛浦回  
青鳥啼書通密意  
綵鸞留詠惜竒才  
芳心一寸如紅燭  
總遣燒殘未作灰  
瑣窓  
戶別離難  
蘭蕙柔姿惜易殘  
曲斷瑤箏銀甲冷  
書留字墨花乾  
羅衾積夢驚春晚  
寶鴨銷香覺夜寒  
檻外  
桃花自好一年芳  
景共誰看  
眉菴集卷第九

眉菴集卷之十

五言絕句

吳郡楊基孟載著

新月

光斜鏡露邊影沒眉鋪黛香烟隔院來知有佳人拜

殘雪

庭雪半消殘猶存舊臘寒春風如有意留待隔年看

春夢二首

春夢復春夢春夢何時曉啼鳥忽相呼  
花殘人又老春夢復春夢與覺時同縱  
使風吹破相看似夢中

五色

五色綉羅衣花多枝葉稀春來不敢着  
怕引蝶雙飛

陌上桑

青、陌上桑葉、帶春雨已有催絲人吐、桑下語  
優人乞米

恢諧一面咲慷慨千鍾粟相逢莫歎貧農夫方夜哭

隔簾聽歌

低處最多情聲遲拍轉停坐中腸亦斷况乃隔簾聽

仕女美女二圖

獨立長門裏徘徊無所親可憐前殿月不照後宮人  
無人問起遲不語自支頤此意春風解深閨未嫁時  
花開

花開醉不休花謝莫深愁縱使花長在東風也白頭

壺中二色桃花

素頰映紅腮西園共折未憐渠竟先落知是最先開  
折花贈內并代答二首

人面玉娟娟花枝更可憐憑從畫眉手折寄鏡臺前  
一朵折春風花濃意更濃而今映花面不似向時紅

詠眉

雙鬢畫得勻烟柳闌輕蟬莫對初三月姮娥妬殺人

詠眼

秋波含脉、未轉已情通千古風流意都緣一盼中

瓶中插梨杏桃李四花有詠

各自媚春光輕紅映淺粧日融花氣暖忘却是誰香

施君眠雲堂

展雲作袞裯一榻秋陰冷曉睡重憎騰壓碎梨花影

倪雲林畫竹

寫竹是傳神何曾要逼真惟君知此意與可定前身

題畫二首

重来竹滿坡竟失茅茨處忽記別君時門前五株樹  
泉爭亂石穿松激四颯響山經讀未終猿啼孤月上

墨竹

烟梢忽縱橫風葉屢偃仰一榻卧山中靜聽秋雨響

墨葵

晞髮待朝陽黃眉映墨粧午時人搗藥衣上有玄霜

竹為僧賦

猿啼石澗幽月出秋林靜孤僧耿未眠坐對蕭蕭影

九鸞圖

秋塘白鷺栖烟淡草萋々一隻未沙晚青山日又低

彈琴高士

江靜月在水山空秋滿亭自彈還自罷初不要人聽

柳塘春燕

花落燕飛交春風在柳梢玉樓皆繞幕高處莫安巢

扇上畫四首

雨歇見青山菰蒲第幾灣鷗來又飛去只有釣舟閑  
江遠愛山低沙虛覺樹危靜中誰共賞橋上立多時

雙桐石上栽四月始花開不見朝陽鳳秋風欲下來  
別夢蘋花外歸心燕子前齊王不好瑟塵土滿朱絃

刺客四詠

匕首

秋啼聶政竟寒清荆軻血報讐無報恩刺人還自殺

筑

朝擊無秦聲暮擊皆死曲誰知腹中鉛燿却壯士目

椎

公子終救趙留侯徒中車平生萬金客不及圯橋書

劍

差三尺光氣奪萬乘貴立成千載功不出五步內

轅門十詠

胄

雙簷鳳翅開虜見即心摧莫厭黃金重貂蟬自此來

鎧

重函鎖鉄堅葉金花錯將軍勇絕人尋取二副着

纛

羽葆轟青雲風搖翠羽分貔貅一百萬於此認中軍

鉞

寵錫玉堦前專征欲定邊奏功湏右秉長在節旄先

矛

鉞鋒烈電明瘦幹青蛇滑馬上利長兵刺人湏丈八

刀

掛帳殺風寒，新磨血未乾。酒酣曾斫虜，不敢醉中看。

弓

力能穿七札，犯楮金梢短。十萬羽林兒，無人開得滿。

箛

斜插虎豹皮，掛向軍前戰。射退黑山胡，歸來有餘箭。

袍

袍花對縫裁，上刺黃金字。着處萬人看，為是君恩賜。

馬

未鼓即騰驤，身輕箭不傷。明朝卸金甲，歸牧華山陽。

天平山十四題

龍門

天開一罅通，石古雙崖破。中有波濤痕，知是龍飛過。

石屋

六丁運神斤，鑿石為巨屋。風雨遠八牕，夜々山鬼宿。

五丈石

落星長百尺，風雨忽中斷。至今雷火焦，突兀猶存半。

白雲泉

冷々白雲泉，流向白雲邊。泉水流不斷，白雲飛上天。

一線泉

石竇小如針，泉飛一縷金。天風吹不斷，穿過白雲深。

卓筆峰

露蘚凝斑管烟蘿束紫毫山靈罷揮洒卓立萬山高  
飛來峰

高峰似玉臺何處忽飛來定向西天竺曇花頂上開

釣魚磯

老父兆非熊遺石此山父誰操百尺竿重試連鰲手

蟾蜍石

神蟄月中來化作千歲石曾吞玉杵霜清露時時滴

頭陀巖

頭陀不可見巖石似當時草長齊肩髮雲裁百衲衣

華蓋松

飛蓋結龍形斜扛九曲清流螢枝上落疑是紫微星

四時亭

泉聲四時清山色四時好不知寒暑移但覺松杉老

宿雲軒

盈々山中雲就我簷下宿昨夜雲不歸空開半間屋

照湖鏡

團々山中石下照太湖影如何一鑑中三萬六千頃

端陽十詠

百索

紅映釧金黃雙纏腕玉香閨愁千萬里羞比綵絲長

釵符

紅縠剪金蟄輕羅簇艾花不須靈笈篆心靜自無邪

守宮

玉臼搗薰風蛾眉怨六宮長門深似海何用印花紅

角黍

紅絲繫綠蔓金糝沃香餠風雨羅江上家々祭屈平

艾虎

踞戶欲生風當門勢自雄未能離草莽亦是駭兒童

蒲觴

蒲葉復蒲根香瓊泛綠樽亂離誰引壽聊欲莫湘鬼

闔草

珠玉賭牙籤爭奇子自拈一籌矜獨勝袖有謝公髯

射柳

弓滿馬如飛沙平見柳枝雋功收一鏃多是養由基

擊毬

低昂一點紅忽起青雲上風急下來遲眾人齊面仰

競渡

船頭花帽歌船尾花袍舞江神不敢行百面鼉皮鼓

書懷

朝梳髮尚玄夕鑑髮已斑欣戚苟異懷妍悴即改顏

聞柝

孤館月如霜閣々鳴秋柝羌兵未解圍淚逐寒聲落

不寐有懷

鵲寒栖未定裊々風吹竹孤燈不厭貧斜照暗菟宿

八眉卷十  
十一  
聞鴈

天寒霜月苦人遠秋衣綻獨坐聽長夜燈前一聲鴈

夢歸

夢歸片時歡夢覺終夜惡欲起就殘燈鼠搖寒燼落

燈花

遠人無喜報何事有燈花莫是閨中說姑傍伴緝麻

憶母

齒落髮鬢參、新年九十三寸心猶未報一飯豈能堪

憶子

未知索果啼已解迎人抱平生舐犢心時、背燈改

意

青州信息稀八桂音書絕思君無柰愁拭目都成血

上書乞歸養

陳情欲上書意切辭語促復恐大官嗔燈前再三讀

志喜

咫尺近天顏殊恩得賜環滿沽彭澤酒歡飲看廬山

對江望山

朝着江上山暮看江上山山色信不改江流幾時還

陪方員外看花

步屨到花陰花踈更繞林留連今日意不是少年心

夜坐

恣寒雪亂飛鴈帶邊聲過對影却增愁吹燈暗中坐



示楊水西

親遠更家貧將歸未有因相逢難說與君是故鄉人  
逢故奴二首

出門逢故奴倉卒塵中拜不暇相隨行街頭捧衣賣  
出門逢故奴怪我顏色槁茲事何足驚別離容易老

雜畫十首

芙蓉

紅衣寒未脫綠蓋晴猶卷楚女棹歌回遙々秋江晚

萱草

窓間宜男花本是忘憂草釵頭誰倒簪錢唐產小小

夜落金錢

朝開金錢小夜開金錢薄青閨下遠人銀燈花共落

蘭

蘭葉弄秋暉蘭花帶露晞若將紉作佩相稱芰荷衣

山茶

細簇蜂脾蠟深裁鶴頂砂雪中誰共賞一樹玉梅花

牡丹

當時姚家黃花面濶一尺惆悵洛陽人而今多未識

木芙蓉

江寒浦溆多舉目皆衰草唯有拒霜花遙々隔江好

孔雀

掉尾立花陰冷氣差萬點金年々蕃國進不是孔家禽

蛟螭

衣薰細入香鬢染盈人露特地一雙飛花間惹人妬

蜂

結房山中樹暮歸香滿腹微物詎可輕箴遲能歲毒

白門逢別王之常

一自吳中別于今已十年客邊喜相見風雨白門前  
沽取白門酒醉別鳴皋雲君我標仕逸暢樂從此分

長沙雜詠十首

花深眾禽寐格々啼山鷓鴣響一燈來人歸

融々綠烟暖夢遠蘭茗外時倩鳥呼醒花

東風吹小雨一夜滿瀟湘明月鷗波乘

高樹蘿垂屈低垣竹掩花門前烟渚瀾春水又沉沙

網得湘中魚空向湘邊柳一徑入花陰東換長沙酒

寒沙竹塢深细雨烟江渺不聽野鶯啼那知是春曉

密瓦栽立竹疎籬種紫荊日斜墟市散時有虎經行

鴛嶼烟長碧蘭坡水自香只疑行畫裏忘却在瀟湘

湘人愛樓居斜枕湘江起樓下倚闌人替花照春水

柳色帶輕頰桃花露淺唇異鄉寒食近能得幾多春

六言絕句

內律一首附

即景

長眉短眉柳葉深色淺色桃花小橋小店沽酒新火新  
烟煮茶

今年去年酒債三月兩月春愁看山看水出郭聽雨聽  
風倚樓

東家西家燕飛明日後日春歸多愁多病送客無酒無  
錢典衣

桃花杏花紅白蒲葉芷葉參差飛高飛下胡蝶行去  
來鷺鷥

小景二首

白雲浩々秋色碧磬冷々雨聲坐得松陰過石先生酒

醒詩成

雨々風々路迷斷橋流水平堤出門苔暹泥滑喚取扁  
舟過溪

初歸吳中感事

附郭好山遠近遠城流水西東人哭人歌夜月花開花  
落春風

赤山閑居二首

荷鍾遠籬栽菊解衣石上觀松甘分簞食瓢飲底須千  
駟萬鍾

抱膝長吟梁父折腰寧愧鄉兒酒呼白墮朝飲米雜雕

胡晚炊

遊靈岩懷古

靈岩吳城西山名也舊爲吳王夫差離宮名館娃者在烏今琴臺西施洞鄉音櫺廊採香徑八角井皆其遺跡尚存

塵埋洞裏金蓮誰調臺上朱絃櫺廊春盡花落香徑雲深鹿眠袂目臣亡此處捧心人去何年莫洗館娃遺恥山頂空流石泉

濯清亭二首

半江落日高樹兩岸清風短莎莫怪滄浪水濁通永潔足人多

我濯塵纓水潄君垂雙足清陰自是秋江清濁滄浪孺子何心

天心水面亭二首

海天萬里遙碧秋水一池鑑空莫問鷺飛魚躍者他明月清風

動中消息春到靜裏工夫夜深三十六宮春意不道水面天心

畫三首

芙蓉江上秋色楊柳堤邊月明莫教西軒種竹客中無柰秋聲

五株樹下待月三板槁頭賦詩童子不知人意棹歌却

怪歸遲

一箇茅亭晚渡數聲啼鳥秋林愛他湖上山色立盡溪頭樹陰

自嘆

白髮慈親九十紅塵客路三千歸占槐花源裏絲衣草堂前

眉菴集卷之十

眉菴集卷之十一

七言絕句

吳 柳 楊 基 孟 載 著

天平山中

予家赤山相去不五里許

細雨茸、濕棟花南風樹、熟枇杷徐行不記山深淺  
一落鸞啼送回家

寒食有感 二首

亂裏情懷怕寒食強拈卮酒竟無權晚來一陣東風雨  
吹得梨花不柰春

漠、輕陰接遠天離、芳草鎖春烟郭西多少新墳墓  
若箇能來掛紙錢

過隣家撥悶

亂來情思倦看花開却西園小小車今日偶因題竹去  
試扶藜杖到東家

憶均同二弟在遠

別來芳草遍天涯憶汝飄零何處家一向春愁禁不得  
晚風吹破紫荆花

一雙鴻雁隔天飛三月江南未解圍惆悵夜來風雨裡  
片時春夢見渠歸

兄愁弟感兩相親還復江濱定海濱却恐數州消息異  
懶將踪跡問行人

稱稱初度

我年六、髮如絲見汝三齡却兩春願得汝長并我老

太平還說亂離時

回文 二首

烏啼夢裏燈添恨月轉屏前影對愁枯葉亂飛霜砒冷  
細烟香透夜幽幽

秋涼晚殿水蕉紅扇掩閒情舊感空樓對遠霞殘照落  
愁邊寄信有歸鴻

畫 三首

石上風來吹酒醒白雲幽繞綠苔生山中莫道無絲竹  
聽徹松聲與磬聲

葉、衣裳帶雨裁白漚江水淨無埃偶然扶杖沙邊立  
不為看山獨自來

幽蘿灌水蔭清溪水鳥忘情自在啼正好從容看山色  
淡烟衰草夕陽低

紅綠蕉二仕女圖

兩樹紅蕉隔禁扉晚涼携伴試羅衣金鈴小犬迎人吠  
應怪秋來出院稀  
為折芙蓉向御溝碧羅衣薄又驚秋侍兒剛道新涼好  
不解芭蕉與扇愁

夢遊西湖

採蓮女郎蓮花腮藕絲衣輕難剪裁瞥然一見唱歌去  
荷葉滿湖風雨來

燈夕微雨

脉、輕陰潤玉笙霏、小雨濕銀筵雖教月色朦朧黑  
更覺燈光分外明

紅梅

一般香影月朦朧只有仙肌迥不同天不念貧空付色  
儘教消瘦却教紅

水仙

冰肌玉骨照江波瑟瑟塵生襪底羅自是仙魂招不得  
滿天風雨夜如何

十二紅圖

何處飛來十二紅萬年枝上立東風楚王宮殿皆零落  
說盡春愁暮雨中

柳枝詞

千枝萬縷軟婆娑倩得東風着雨撥昨夜鵝黃變新綠  
比郎衫色不爭多

故山春日 七首

千花萬萼委塵埃只有荼蘼獨自開應是隣家更零落  
過墻胡蝶又飛來

梨花兩枝春可憐下馬折花山逕邊山中人家改新火  
隔樹吹來榆柳烟

青蘆筍襍蒲芽細浮萍是柳花昨日臨池看科斗  
曉來風雨已聞蛙

桑葉陰戴勝飛來桑人執懿筐歸老夫欲買新絲染  
掣取斑斕五色衣

寂寂青山一鳥啼紫藤花落午風微不知刻漏長多少  
但覺桐陰半日移

輕寒拂雨沉紅漸蕭疎綠未陰不是窗前兩啼鳥  
錯將時序比秋深

春來芳草踏成蹊半是車輪半馬蹄多謝清明三日雨  
舊痕新綠一般齊

陌上誰尋雨後花山中人摘雨前茶陰樹木青草  
可是王家與謝家

雨中對杏花

杏花枝上雨冥濛洗得胭脂淡紅寄語東君莫相妬



放教春色十分濃

壺中碧桃先謝折梨花一枝補之

一枝紅在一枝空底事冰肌不耐風更折梨花來作伴  
玉環飛燕本相同

花時感事

為怪春寒起較遲  
卧憑啼鳥報春期  
來鶯燕渾無語  
過却梅花總不知

雨中對花 三首

正好看花却醉吟  
醒時花事已傷心  
西園數朶開將盡  
風雨相看到夜深

春風幾日雨  
渣已鶯慘花愁  
總不堪惆悵  
隋堤千樹柳

至今青眼望江南

消得吟風却避風  
已開微淡半開濃  
要知有色還無色  
莫愛深紅映淺紅

春半

薺葉深能沒乳鴉  
石泉清可見魚蝦  
一年春事餘多少  
只有南風棟子花

春暮西園雜興 四首

疎簾影漾微波  
庭戶無人鳥自過  
一樹楊花三日雨  
池塘春水綠萍多

綠蕪春水燕雙飛  
細雨輕寒稱袷衣  
半日不來池上立  
殘花又比午前稀

蒲葉初長蕙葉齊杏花如雪泥春泥無人搖動秋千索  
黃鳥飛來架上啼  
野棠飛盡木香開蝶靜蜂稀迳有苔正是江村寒食後  
老夫先為綠陰來

落花嘆

半隨流水半莓苔只有沾泥更可哀燕子也能知愛惜  
為人啣入綉簾來

三月晦日

花飛一片即春歸况是陰陰綠滿枝謾道東風有今夜  
不知春已去多時

仕女四春圖

東風剪剪入粧臺眉蹙春愁掃不開非是薄羅能耐冷  
捲簾貪看燕雙來

右春陰

隔簾鸚鵡解呼名花落閒庭草自生曲曲畫闌皆倚遍  
一春刀剪不聞聲

右春悶

風送楊花滿綉床飛來紫燕亦雙雙閒情正在停針處  
咲嚼殘絨唾碧窓

右春綉

蹴罷秋千日已沉東風花底力難禁咲携女伴歸來晚  
失却羅鞋不再尋

右春倦

衍斯道上人折梅子花見遺走筆奉謝  
五月鄉林簷蔔開雪花如掌照青苔不教天女輕分去  
却為維摩遠送來

屋後種松

屋後荒蕪地五弓自除瓦礫種青松  
朝來未見蕭蕭葉便覺吟詩錯費工

松下

小簾疎簾曲水濱葛衣蒲扇紫荷巾  
自慙不及雙松樹猶有清陰救路人

寢齋見螢火

雨館蕭條已罷吟流螢穿隙自相尋  
也應隣我無燈燭故入紗帷照夜深

看蜘蛛補網

風雨蛛絲斷不收密經細緯更綢繆  
自憐辛苦幾盈尺多少飛虫網外游

粉團兒花

小、流蘇結素羅團、香粉綴柔柯  
玉奴不識傷心恨滿面春風笑靨多

見紫薇有感

整水荒垣兩樹紅猩袍爛熳照西風  
無人種近絲綸閣花落花開暮雨中

蓮渚泛舟

水漿不用蔗漿調聞得荷香酒自消  
一派江聲滿船月却愁容易度今宵

玉簫低與玉笙調度未成腔意已消  
雪白芙蓉香一色

總教人不愛春宵

避暑貽美人

綠荷瀉酒勝瑤漿  
白葛含風壓串香  
不待瓊樓高百尺  
玉人相對自清涼  
酥凝酪粉煉霞觴  
衣染浮絲碧藕香  
試下瑤階看明月  
玉膚消得幾多涼

夏日

聽徹簫韶獨掩扉  
水花向夕斂紅衣  
舞衫不用鴛鴦縠  
別染春絲上錦機

赤山漫興

松梢吹粉落衣裳  
躑躅花開竹筍長  
可是山中朝洗藥

一渠春水茯苓香

過鄧尉山訪徐良夫留別

二首

隨意扶筇入遠林  
紫藤花落迳苔深  
山中莫道無音樂  
片鴛聲在綠陰

浮雲戴山：欲動春水煮茶消午夢  
綠蘋風起恰開帆  
數聲啼鳥來相送

晉夫人墨竹

霧鬢雲鬟洛浦神  
冰肌玉骨衛夫人都將松雪齋中意  
偏寫瀟湘雨外真

趙仲穆墨蘭

當年曾進福州蘭  
小殿秋風翠珮寒  
零落楚香收不得

且從魏國畫中看  
繁露幽香泣翠娥  
冷雲纖月淡秋河  
沅湘一帶皆春色  
誰道懷王廟裏多

白描芍藥圖錢選作

玉樓寒擁翠羅衾  
珠箔晴搖縷  
金蝴蝶亂飛花未落  
東風庭院又春深

睡起圖

月圓團扇送輕涼  
荷大如錢作藕香  
午夢醒來思白雪  
玉甌催進荔枝漿

張仲敏鈞勒竹

鮮佩歸來月影孤  
秋風鳶鶴自相呼  
先生晚種參差玉

招得林間兩鳳雛

藍采和像

石崇步障四十里  
倚頓珊瑚八百株  
寧可黃金堆下死  
街頭不散一青蚨

贈胡校理文伯

南郭先生一尺鬚  
秋風欲別意踟躕  
明朝歸看庭前杏  
添得清明幾百株

贈薛如鑑善相

二陸門前一見君  
咲談許我到青雲  
平生不學縱橫術  
那得黃金鑄印文

寄無錫張彥禎

老去張堪更賣農不教稅務及疲癯如今麥熟蚕成箔  
處：桑麻百二弓

寄陳惟寅惟允

坐有重糧食有魚眼能識字手能書山於秋水船頭看  
家在春波門外居

松陵道中

吳姬盪漿出蘋花江上行人未到家日晚城邊秋似水  
萋萋烟樹亂鳴鷗

青山白雲圖

手種溪頭十畝陰鳥啼花落暮雲深夜來一尺蘭若雨  
若箇扁舟肯見尋

宿雲竹居

月斜風細酒微醺白露灑灑濕練裙底事夜深清不寐  
半窓竹影半窗雲

題畫

暮靄霏霏掩翠峯遠籬落葉有行蹤杖藜獨自行吟去  
不是尋僧定者松

四皓

高帝如何太子盈先生垂老入京城當時四皓非黃綺  
多是留侯指教成

煩李伯定移菊

何處籬邊菊本多煩君將送綠婆娑老夫準擬重陽醉

亂折黃花插皂羅

九月八日對菊

去年風雨罷登高今日黃花預見招莫怪透籬開未好  
正含秋色待明朝

題趙松雪臨宋徽宗水墨草蟲

趙自題云不假丹青筆何人寫遠愁露濃時菊晚風  
緊候蟲秋元末諸作者不知公意反有所謂走不揣  
次韻用以慰之云

王孫老去尚風流畫裡新詩寫淡愁莫道吳宮與梁苑  
露蛩烟草一般秋

二美人圖

半餉無言却斂眉玉簪斜墮翠鬟欹相逢莫說傷心事  
才入深宮自得知

鴉頭羅襪鳳頭鞋細踏花陰下玉階綰得青絲無柰滑  
更臨春水照金釵

刺綉倦綉二圖

兩日無心綉一絲偶將針線刺花枝無端綉到雙胡蝶  
憶着西窗夜雨時  
刺得芙蓉半朵金倚床無語自沉吟玉奴不解傷心意  
抵死相催綉幾針

附唐處敬和

洗花染線刺春羅鳳翼雙飛錦作窩斬起非閑針力

倦海棠時節困偏多

附高季迪和

翠絲盤葉碧玲瓏  
小萼花鋪茜縷紅  
夢裡鴛鴦留不  
得分明却在綉床中

為孟辨題二仕女

紅綃衫子雪膚肌  
女伴相邀去賭棋  
花底忽逢雙蛺蝶  
背藏羅扇看多時

右觀蝶

玉奴催報海棠開  
及早梳頭出鏡臺  
便揀一枝和露折  
六宮惟我最先来

右折花

二白蟬圖

戟尾參差白袖分  
馬嵬坡下舊香魂  
君王西去無消息

踈雨桃花半掩門

右碧桃

珠禽斜立海棠枝  
玉雪胭脂看欲迷  
只恐驚飛花亂落  
霓裳三拍按教低

右海棠

代贈所懽

二首

濃綠蛾眉淺淡粧  
玉肌紅映白霓裳  
春風不秣花枝顛  
逢着多情即斷腸

衆中相見獨相憐  
我多情更有緣  
不是無心看春色  
亂離情緒不如前

寬盡羅衣兩鬢秋  
相逢猶自愛風流  
天涯無復陽臺夢  
辜負春風萬種愁

枇杷青鳥



枇杷香遠漢宮栽珠箔銀屏四面開武帝遣書邀阿母  
青衣使者最先來以上在吳中作

遇史克敬詢故園

克敬自長洲來因詢吳中風景大異往昔賦此以寓  
鄉里之思云

三年身不到姑蘇見說城邊柳半枯縱有蕭蕭幾株在  
也應啼殺樹頭烏

贈京妓宜時秀

欲唱清歌却掩襟晚風亭子落花深坐中年少休輕聽  
此曲先皇有賜金

出金陵城南

長干塔前千樹花半隨流水半泥沙王孫醉裏渾忘却  
走馬鹿豪來索茶  
去盡黃鸝綠樹陰閑門重掩落花深當時一曲尊前酒  
多少王孫買笑金

憶挹翠亭聽歌示徐幼文余唐卿

清歌一曲動梁塵只憶當時淚滿巾何況春歸花落盡  
眼前漂泊兩三人

江寧雨中

解盡春水水漸通岸花狼藉燕西東巴江不盡青  
草都在踈烟淡雨中

江村漫興

三首

江籬葉長三月春江邊柳花飛接人吳姬壓酒醉十日  
及此東風綠髮新

一月春陰不省山夢魂長在碧雲間美人別後緣詩瘦  
白玉腰圍一尺墜

莫道書生未白顛鷓鴣聲裡自年年祇因落盡牆頭杏  
幾日琵琶不上絃

重到京

亂後人如再得生敢於世上望聲名如何兩鬢將春雪  
又逐徵書拜玉京

春日懷江南

杏花村裏清明酒陽羨山中穀雨茶如此情懷如此景

行人何事不思家

春盡聞鶯有懷高季迪

一聲黃鳥喚愁醒已是南風綠滿庭客裡得聞休恨晚  
故園知有幾人聽

從袁蒼府乞珉玉巾環

新製東坡一幅巾也堪漉酒障埃塵更須乞取雙環玉  
相稱山人兩鬢銀

夢故人高季迪三首

辛亥八月十八夜夢與季迪論詩已而各出詩藁互  
相商確季迪在吳時每得一詩必走以見示得意處  
輒自說不已夢中抵掌故態如常時因賦三絕季迪

且索其舊作云

詩社當年共頡頏我才慚不似君長可應句好無人識  
夢裏相尋與較量

老來久不誦君詩得見都忘是夢時我最憐君識我  
此中未許俗人知

驚人新句嘆無前故態踈狂似少年便寫錦囊三百首  
為君披咏步涼天

秋夜

秋風今夜十分涼斜月欺人巧照床自是不眠思得  
漏聲元只許多長

江邊見紅葉

一瓣霜紅一瓣秋上陽宮裏御街頭而今漂泊寒江上

相趁蘆花細水流

以上在京并尚江濱作

客中懷弟妹

弟妹當年五六年銀鞍羅綺照青春而今死別兼生別  
風雨蕭蕭一病身

沙河聽雨

壬子閏七月十四夜

惡雨乘風聽未休暗愁悲緒斷鴻秋却將湖海三年夢  
併作沙河一夜愁

舟中書所見二首

羅帕包頭不畫眉沙河船裏儻金衣可應憶着關心事  
斜倚秋風看鴈飛

眉菴卷五  
十五  
玉膚花貌是誰家，趁逐秋風渡晚沙。河水東流燕西去，  
一般竟夢遠天涯。

舟中聞絡緯

江濶天空北斗低，月寒沙白露凄凄。家鄉漸遠衣裳薄，  
憑仗秋蛩莫夜啼。

客中憶弟

去時霜葉遠溪紅，落盡桃花信未通。客裏匆匆寒食酒，  
一尊那得弟兄同。

夢稱稱

語未能真已誦詩，相過爭愛骨權奇。他鄉夢裏分明見，  
猶似當年索果時。

掌上明珠落大淵，夢中愁對玉娟娟。我將四十空回顧，  
念有何人與我玄。

過琵琶亭在彭澤

楓葉蘆花兩鬢霜，櫻桃楊柳久相忘。當時莫怪青衫濕，  
不是琵琶也斷腸。

詠大姑山下梅花

紫萼黃鬚抱玉膚，也應人惜半枝枯。雪中惟有山僧折，  
瓦缶寒泉薦大姑。

出江看廬山

一壘峰巒一道泉，幾重雲樹幾重烟。歸來記取屏風樣，  
寫向茅齋聽雨眠。

兩晴廬山看雲

橫帶斜烟抹翠蛾  
淡籠初日照青螺  
行人謾道廬山好  
自是春雲態度多

看廬山時無片雲

消盡春雲山更宜  
芙蓉全見碧參差  
天然標格誰能似  
辨國夫人淡畫眉

舟泊南湖有懷三首

二月十二日舟泊彭蠡南湖嘴風雨甚寒憶吳中是日郡人皆試夾紗衣單羅扇往范家園看杏花入春來此為行樂之首

紗衣羅扇一時裁  
兩三作伴來  
正是吳中好風景

范家園裡杏花開

單羅小扇夾紗衣  
冠子梳頭插翠微  
知是范家園裏醉  
無人不戴杏花歸

日省花載酒行  
不論時節與陰晴  
相逢猶自嫌春色  
花裏迎人問太平

途中為人題畫

溪水溼秋帶綠  
蕪草堂雲冷鶴將雛  
相逢未遂還山約  
空復年來看畫圖

江西送陳文獻薛存道二生還山西三首

江上憐君踏雨來  
推篷一笑兩眉開  
莫教章句孤年少  
自古山西出將才

滕王閣下說山西多少雲山望轉迷問我路程嗟更遠  
桂林烟雨鷓鴣啼

君歸晉巽我湘潭塵土風波兩不堪盡道衡陽有迴鴈  
行人更在鴈西南

到江西省對花

閒來樹底踏青莎喜見斜紅插皂羅莫愛壓枝千萬朵  
三花兩蕊更情多

長恨花開春色闌不堪春半百花殘從今却願遲開落  
得向清明節裏看

芳草無端出意長斷紅殘綠弄春陽莫愁寒食花開盡  
更有荼蘼與木香

最好花枝最後開千重粧束萬重栽東風不敢輕吹破  
前度劉郎恐再來

青絲茵褥是柔莎白苧衣裳勝綺羅千樹桃花紅一色  
春光誰道不須多

小小旗亭曲曲闌禁烟時節未鶯殘便須連夜燒銀燭  
莫待他年霧裏看

東湖東畔柳枝長滿苑飛花亂夕陽何處袂除兒女散  
過來流水鬱金香

生色屏風一面開輕羅團扇合歡裁深院落青柳  
縱是無花也看來

後四首次前韻

題方貧外像

一尺長鬚七尺身當時顏色盡能真相者已覺如兄弟  
不待他年是別人

雜畫 六首

玉腕糖霜萬顆冰王孫筵上酒微醒若教畫作回仙鶴  
一夜吹簫過洞庭 右石榴

盧橘當年出漢家誰將名字雜枇杷風枝露葉金盤果  
盡是僧房雪後花 右枇杷

一斛涼州價已多上林千樹酒成河塵沙漠空廬雪  
若箇銀瓶覆紫駝 右蒲萄

茂陵老去愛求仙青鳥嗚書到御前不意種桃成一咲  
開花結子六千年 右緋桃 在臨江驛舟題

密瓣深紅別有春武陵千樹欵迷津不因流水漂香出  
那得秦人識晉人 右千葉緋桃

沉香亭北繞闌栽曾藉花奴羯鼓催今夜不須銀燭照  
待他明月上枝来 右海棠

淨洗胭脂學道裝玉冠青幘羽衣裳蓋珠宮裏秋宵永  
立盡瑤堦一夜霜 右蜀葵

紫苞紅刺玉纖纖甘露收香入翠奩何處南風開滿架  
綠陰庭院水晶簾 右薔薇 主市汭驛舟題

聞鵲

鳩鵲船頭喚夢回鵲聲雖好却成哀昇州一望三千里  
那得音書送喜来

過黃州吊赤壁

風雨來登赤壁磯  
武昌烟柳望中稀  
無人更有坡仙樂  
月小山高醉未歸

舟中見雪珠

鮫人捧淚泣春風  
亂擲明珠向短篷  
欲采綠莎紉作佩  
滿江春水落花紅

鯉魚山阻風天甚寒雨皆成霰

江南天氣大無憑  
草色烟光暖欲蒸  
向晚鯉魚風乍急  
盡吹小雨作春冰

夏口

川江東接漢江流  
萬里相逢鸚鵡洲  
更約瀟湘與沅澧

大家淘盡古今愁

望武昌

吹面風來杜若香  
離離烟柳拂鷗長  
人家鸚鵡洲邊住  
一向開門對漢陽

春風吹雨濕衣裾  
綠水紅粧畫不如  
却是漢陽川上女  
過江來買武昌魚

德安山中

石橋斜日萬山陰  
雲滿寒溪雪滿林  
獨有梅花香不厭  
江南春色故園心

岳陽阻風

三湘風雨五湖春  
萬里相思一病身  
能向此中魂不斷



更無愁處可愁人

過洞庭口踞

七十二峯天際開一泓秋水大於盃  
白鷗千點飛不盡鴻鴈一雙何處來

湘江對雨

風雨黃陵半掩門鷓鴣聲裡樹微昏  
無情最是江邊竹猶自淋漓有淚痕

渺々滄波淡々鷗綠蒲青葦響如秋  
人生不聽瀟湘雨行遍江湖未是愁

題楚江秋意圖

萬里巴江入海流水天空闊鴈行秋  
楚歌未斷西風起

一段青山一段愁

經汨羅廟在湘陰縣北六十里

三閭祠宇汨羅邨重午年々一掃門  
莫道獨清當日事至今湘水不曾渾

祁陽道中五首

踈烟小雨濕流光愁得楊花不暇狂  
半餉春晴便飄揚綴入簾幙上入床

愁紅怨白滿江濱一樹盈々恰破春  
正是情多開自晚雨中知有斷腸人

曲垣低檻是誰家門戶深々閑落花  
千百黃鸝萬竿竹夢魂應不到天涯

一簇茶蘼湘水東，輕香脂粉趁微風。低頭淺笑皆傾國，  
不在胭脂着意紅。  
紅深翠密不成蹊，脩竹玲瓏巧更低。其鳥未知花又落，  
野棠風裏一雙啼。

潭州雜懷九首

春江漲漫春草亂，一色遙遙青不斷。晚來烟起鷓鴣飛，  
無數桃花在東岸。  
鷓鴣鷓鴣飛滿沙，綠水刺刺上蒲芽。湘潭縣裏春分  
不道人家有杏花。  
渡頭烟柳入村稀，沙嘴漁舟各自歸。却笑匆匆變白  
滿江風雨不停飛。

桃花深紅杏花白，紅白花開弄春色。東風一片落衣襟，  
腸斷江南未歸客。  
船頭潑盞濕衣裳，水面花飛口亦香。坐愛蜻蜓兼蛺蝶，  
閑將春色上牙樁。

午睡醒來風滿面，十年春夢思量遍。前度劉郎觀裏花，  
舊時王謝堂前燕。  
吳女娉婷楚腰舞，梁園風雪瀟湘雨。多情長使鳥催歸，  
底事不教花解語。

楚妃祠前花繞樓，楚人唱歌牽客愁。全開一樹紫含咲，  
閒聽數聲黃栗留。  
湘中老翁不裹巾，見我自是平生親。衡陽萬里鴈不到，

為問使君何處入

舟面看廬山

雲中西去雨中還又見秋雲黯淡間不是漂零應不得  
一年三度看廬山

望五老峯次權宣使韻

宣使權仲武有送余詩曰五老騎雲來送迎八月廿  
四日雨中過湖望五老在烟雲中若欲與余咲語者  
因用仲武韻為起句

五老騎雲來送迎咲余舟楫往來輕前身曾住東林寺  
因與廬山有舊盟

五老騎雲來送迎迎君却是送君行從今卧聽鍾陵雨

誰與廬山愛晚晴

以上出任江西并使湖南作

送李都司往江西簡省中諸友時寓荊山

秋屏閣下雨新晴無恨匆匆別我情不意長干秋色裏

又將詩句送君行

我從西省罷官歸旋葺茆茨近翠微從此生涯是鉏耨  
故人休怪寄書遲

左掖桃花向北栽兩番風雨見花開明年對酒應齊說  
曾與眉蒼共看來

嘆道傍廢宅

桑柘陰陰遶岸栽石闌銷折卧蒼苔欲求姓氏無人識  
時有外郎剥棗來

觀剝棗

珠寶離、兩更新行人敲剝走荆榛我來不忍臨風食  
為憶當年種樹人

重過文竹軒二首

蕭蕭茅宇曲崗西嗟我重來路已迷何事隣翁猶愛惜  
壁間留得醉中題

條來還去已堪悲况復難期再到時踈柳最多離別意  
十分憔悴向人垂

送陳明善之真定

風塵贏得鬢毛斑不為臨歧一愴顏五日北風三尺雪  
馬頭遙見太行山

過下蔡

當時佳麗比陽城楚女腰肢雪閉輕莫怪王孫迷一咲  
古來尤物萬人傾

過竇鳴犢大夫祠

生死齊君有舜華西來尼父竟同車荒祠人去槐陰靜  
一院南風芍藥花

梁園聞鴈有感

萬里飛來一鴈聲梁園枕上夢初醒誰憐今夜江南月  
又是空齋獨自聽

空齋獨自數長更聽得嘹唳一鴈聲忘却江南與江北  
斷腸同是客中情

斷腸何處最堪憐  
客裡逢秋憶去年  
安得妻孥與兄弟  
舉家歡笑鴈聲前

登宋宮故基

上皇宮殿碧參差  
嗟我來登見廢基  
盡道河邊金線柳  
腰肢猶似李師之

太行望雲為新民賦

十年漂泊向風塵  
一度看雲一愴神  
此日逢君重惆悵  
異鄉多少望雲人  
晉冀封疆萬里長  
白雲飛處是他鄉  
愁心恨不如春雪  
一夜東風到太行

到山西題畫梅

江南分手到山西  
每憶溪橋夢不迷  
冰雪有如林下約  
一枝重向畫中題

太原官廨見榴花

短之榴花石上栽  
南風吹得一枝開  
花枝縱是相憐我  
白髮何心為看來

罷釣園為翟少參文光題

時翟將休致故及之

畏途萬里費經遊  
到處紅塵沒馬頭  
何日釣竿從此老  
也分一片荻花秋

觀晉祠泉在太原縣流出為汾河者

太行翠色鬱蟠蟠  
一派泉飛石罅寒  
千古東流誰禦得  
任歸滄海起波瀾

曉度鴈門

關山迢遞翔雲高，風緊霜華積。毳袍此地宣威稱，李牧有誰再退北羌豪。

除夜

舊曆驚心只一行，坐依燈火戀年光。尋常客裡愁長夜，惟有今宵願更長。

以上途中并仕河南山西作

眉菴集卷之十一

眉菴集卷之十二

詞

姑蘇楊基孟載著

江寧春館寫懷 清平樂四闕

春水銷後綠水鄰，  
皺減却風流。添却瘦多在黃昏時，  
候匆匆商女琵琶蕭蕭，白髮烏紗金谷園中芳草玄都觀裏桃花。

自從別後眉也尋常皺，瘦得腰肢無可瘦。又是魂消時，  
候當時纖手琵琶東風小雨窓紗。今夜相思何處月明滿樹梨花。

梅酸杏小，人與春俱老。一架荼蘼開遍了，能得歡娛多少。陰陰綠樹青苔，都無半點塵埃。寄語此中猿鶴先生。

晚歸來

狂歌醉舞俯仰成今古白髮蕭々幾幾縷聽遍江南春  
雨歸來茆屋三間桃花流水潺々莫向窓前種竹先生  
要看西山

春思 多麗

問鶯花底事蕭索是東風釀成細雨晚來吹滿樓閣辟  
寒金再簪寶鬢鎮惟屏重護香幄杏惜生紅桃絨淺碧  
向人憔悴未開一萼念惟有淡黃楊柳搖曳珠箔凭闌  
久春鴻去盡錦字誰托 柰夢裏清歌妙舞覺來偏更  
情惡聽高樓數聲羌笛管多少殘夢梅花驚落鴛帶慵  
寬鳳鞋懶繞新晴誰與共行樂料應在楚雲湘水深處

望黃鶴不似柳花長任恁漂泊

春水 沁園春

巴蜀雪銷湖漢水融淨無片埃看風吹皺綠晴涵社若  
雨添香膩暖浸莓苔江漲魚鱗溪沉燕尾贏得沙鷗宿  
鷺猜花陰下見行人待渡芳意徘徊 湖邊十二樓臺  
映多少朱簾影倒開愛綠醅可染蒲萄新釀麴塵低蘸  
楊柳初栽脩禊人歸浣紗女去猶有餘香拂岸來多情  
處泥桃花無數流出天台

折柳 清平樂

欺烟因雨拂々愁千縷曾把腰肢羞舞女贏得輕盈如  
許 猶寒未暖時光將昏漸曉池塘記取春來楊柳風

流正在輕黃

四春圖四景美人各賦浣溪沙一闕

雲母玲瓏七寶屏玻璃漱灑百花棚笙簫羅綺一層層  
信手摘將金荔擲教人扶下綵車行六街明月萬家  
燈

右元夕

鸞股先尋閨華釵鳳頭新繡踏青鞋衣裳宮樣不須裁  
雕玉壘成鸚鵡架泥金鏤就牡丹牌明朝相約看花  
來

右花朝

軟翠冠兒簇海棠研羅衫子綉丁香閒來水上踏春陽  
風暖有人能作伴日長無事可思量水流花落任恁  
忙

右上巳

暖雨香雲百五天玉纖銀甲十三絃咲移羅幙上紅船  
照水再簪珠絡索背人重貼翠團圓安排花裏蹴秋  
千

右寒食

梨花夜月 菩薩蠻

水晶簾外娟娟月梨花枝上層層雪花月兩模糊隔簾  
看欲無 月華今夜黑全見梨花白花也咲姮娥讓他  
春色多

瓶中四花瓶插梨杏桃李各一枝 踏莎行

小含風盈盈帶露折來全向銀瓶貯朱唇偏耐雪霜  
寒冰肌不受胭脂汚瘦燕休矜肥環莫妬東君一樣憐  
靈素若教淺淡咲深濃大家都被嬋娟誤



春閨怨 蝶戀花二闕

淨洗胭脂輕掃黛  
閑草亭邊自拘梨花戴  
一段心情空自愛  
風流那得常時在  
屈指春光歸已快  
不捲朱簾又恐東風怪  
花影低將新月碍  
小闌干外深三拜  
新製羅衣珠絡縫  
消瘦肌膚欲試猶嫌重  
莫信鵲聲相侮  
弄燈花幾度成春夢  
風雨又將花斷送  
滿地胭脂補盡蒼苔空  
獨自移將萱草種  
金釵挽得花枝動

春恨 千秋歲

柳花飛盡魚鳥無音信  
盃減量愁添鬢  
梅酸心未老  
鶻斷絲猶嫩  
歡咲地轉頭都做江淹恨  
香冷灰銷印燈暗  
煤生暈空自解誰微問  
夜長春夢短  
人遠天涯近  
庭

院晚一簾風雨寒成陣

嘲春四詠 如夢令

昨夜雪晴風小  
羅幙嫩寒猶悄  
天氣近花朝  
江上燕兒來了  
催曉催曉  
隔樹數聲啼鳥  
右春曉

瞥眼韶華如織粉  
退紅媽忽、堪詭是東君忙去都忘  
相識可惜可惜  
芳草謾連天碧  
右春暮

點綴落梅穠李埋沒蒼苔  
芳芷樓上倚闌人  
立在玉屏風裏  
風起風起都做一江春水  
右春雪

銀渚拂波輕度羅幄  
送寒低護催得百花開  
又與百花相妬  
無數無數吹過畫欄西去  
右春風

紅白桃花 採桑子

淺碧深紅是誰家分染桃花片兩枝爭艷青粉墻頭見  
深處娉婷淺更多嬌倩昭陽殿玉環飛燕各自東風  
面

柳鶯燕三詠 點絳脣

裊、娉、為誰儂。憊腰如把小桃相。亞低拂前簷瓦深。  
處鶯歲不怕金丸打。章臺下幾株如畫。繫著青驄馬。  
何處飛來柳梢一點黃金小。弄晴催曉。喉舌如簧巧。春  
夢須臾正。繞江南道。空相惱。被他驚覺。綠遍池塘草。  
王謝堂前舊時簾。恨深如許。自從歸去。花落春無主。綠  
水橋邊茅屋人家。雨花深處有人相妬。掌上輕盈舞。

絮 憶秦娥

東風惡一江春水楊花落楊花落惹人衫袖綴人簾幙  
才飛却墜能纖弱。倏來還去無拘着無拘着山遙水  
遠任伊飄泊

暮春見花 踏莎行

白皺沾苔紅輕惹絮落花堆積無層數。當時開折賴東  
風。漂零還是東風妬。宿雨初晴低烟欲暮。綿、芳草  
迢、路。綠陰深處聽啼鶯。聲更在深、處。  
淺碧凝鬢。輕紅染瓣。東風着意催初綻。不須抵死恨開  
遲。開却得遲、看。醉眼微醒。羈魂欲斷。斜陽流水  
東西岸。只知人有萬千愁。花枝更有愁千萬。

句曲閒居春暮 賀新郎

眉壽卷十三  
五  
自離西江省幕謫句曲已徂春矣寓居無聊未免感  
時撫事援填古詞用撥新悶云

風晴樹陰薄正簾櫳楊花飛盡棟花吹落一迳青苔無  
人到翠葆時翻露籜聽樹頂長鳴孤鷄半沼香萍風約  
住見新荷影裏雙魚躍多少恨頓忘却 踈狂莫笑今  
非昨想當時狂歌醉舞轉頭都錯內苑櫻桃纖手勸  
薦金盃杏酪夢不到南薰池閣世事多因忙裏悞笑人  
生只有閒中樂且對酒任漂泊

試衣 賣花聲

風暖試輕羅簾外婆娑落花重疊滿柔莎細數輕羅衫  
上淚更比花多 無語却臨波低歛雙蛾玉容春色兩

消磨多少相思無限恨一葉新荷

暮春 錦堂春

芍藥闌邊按樂荼蘼屏下圍棋春光正在多情處腸斷  
欲歸時 踈雨一池荷葉綠陰千樹黃鸝那聲清景無  
人解只許自家知

送春 點絳脣

柳上梅邊那時庭院初相遇杜鵑啼處驀地拋人去  
春也多情故繞江邊樹風兼雨落花飛絮併得難留住

詠鷗 南鄉子

春水綠迢迢長與鳧鷖點翠苗一向逐波浮不定飄  
又趁東風下晚潮 閒倚木蘭橈相近相親不用招今

夜月明何處，負遙、兩岸蘆花雪未銷。

江上閒居寫懷 青玉案七闋

王孫芳草生無數，漸綠遍長干路。春色匆匆愁裏度。幾番風雨，幾番晴霽，又是遙山暮。青鞋不怕春泥污。紅藥重教曲闌護。細數落花成獨步。自緣山野，不堪廊廟，不是文章誤。

曉窗啼鳥驚春睡，似報道春光至。測、餘寒侵繡被。花飛也，杏花開也，燕子歸來未。水光山色如人媚。恨春陰杳無際。今日新晴俱可喜。山光明媚，水光潑潑，只有人憔悴。

鶯聲留我着山久，臨去也重回首。雖是春光隨處有。

風輕霧淡，烟疎雨都在江邊柳。自知不是經綸手。無意封侯印，如斗。行樂何須金谷友。只消尋箇典衣伴侶。同醉金陵酒。

曉來一陣輕寒過，水而薄冰吹破。竹外錦鷓啼一箇。添黃入柳，點紅歸杏，都是東風做。鬢絲遊颺烏巾墮。醉裏漁歌自賡和。但得潮頭風不大。數群鷗鳥，半篙烟雨，着我船中卧。

正消天氣，東風猛，簾半捲，猶嫌冷。恹恹問春來，長不醒。一春都是酒徒花伴，醉了重相請。而今白髮羞垂領。靜裏時，將舊游省。記得孤山堤上景。一灣流水，半痕新月，盡出梅花影。

五更風雨花如霰問春在誰庭院報道春光浮水面一  
雙鴻鴈數莖芹藻無數桃花片 武陵溪上東風怨空  
趁漁郎再尋便拋棄已同秋後燕那知別後飄飄蕩蕩  
這裏重相見

平湖過雨青如鑑柳下賣花船纜雌蝶雄蜂飛繞擔杏  
花終是輕紅嫩白不比梨花淡 一春能幾花前探天  
氣無憑故相賺晴不多時陰亦暫一回風雨一回烟霧  
何處堪登覽

蒼厝仲權見寄 如夢令

窗外月斜鷄叫門外馬嘶車鬧多少夢中人盡被春風  
吹覺休笑休笑白髮也曾年少

茅屋小窓寒曠人影梅花同瘦風緊雪初晴月上三更  
前後迤迤迤迤白髮青衫如舊

首夏書 友初臨

瘦綠添肥病紅催老園林昨夜春歸天氣清和輕羅試  
着單衣雨餘門掩斜暉看翻乳燕交飛荷錢猶小芭  
蕉漸長新竹成圍 何郎粉淡荀令香銷紫鸞夢遠青  
鳥書稀新愁舊恨在他紅藥闌西猶記當時水晶簾一  
架茶蘼有誰知千山杜鵑無數鶯啼

初夏間居 浣溪沙 三闋

幾卷斜封出舊窠藕絲柔梗上新荷衣裳輕薄試單羅  
烟淡中青草台雨絲裏綠陰多園林佳趣是清和

漸老情懷怕別離  
可堪人去又春歸  
斜陽流水意遲人  
春從不歸終不住  
人重相見更相期  
此時端的斷腸時  
小院回廊曲更深  
一重楊柳一重陰  
夜長人靜漏沉人  
雪白梨花千瓣玉  
雨黃梅子萬丸金  
清和天氣夏初臨

卜居 蝶戀花

人間何處宜閒住  
除却樵源便向瀟湘去  
楊柳桃花千萬樹  
不須更覓深人處  
白鷺輕鷗為伴侶  
文嫁漁郎  
男娶漁翁女已辦  
綠蓑眠細雨料應天意還相許

詠塵 望湘人

夢輕隨馬足深  
輾綉輪落花飛絮  
相和紫陌春晴  
東華風暖拂人嫩  
紅掀簾羅襪微生  
素衣曾染閒愁  
無那看

補巢燕子啣將細雨香泥重  
做誰向花前行過見金  
蓮踪跡尚留些箇無處覓  
佳音贏得兩眉低  
護鎖茂公何事猶携  
絳扇却恐西風相汚且歸去  
綠樹陰中淨掃  
青苔高卧

詠簾 燭影搖紅

花影重、亂紋匝地無人捲  
有誰惆悵立黃昏  
踈映宮妝淺  
只有楊花得見解  
忽尋方覓便  
多情長在暮雨  
回廊夜香庭院  
曾記揚州紅樓十里  
東風軟腰肢半露  
玉娉婷猶恨蓬山遠  
閒悶如今怎遣  
柰草色青似剪  
且教高揭放數點春  
一隻新燕

題隔屏仕女 醉花陰

雲母屏風金縷扇薄映春風面縱是不分明猶勝腰肢  
背後恁見鏡裏花枝簾底燕無處尋方便莫道不  
留情秋水芙蓉獨自思量遍

感秋 摸魚兒

問黃花為誰開晚青猶繞西園秋光賴有芙蓉好那  
更薄霜輕霧江遠處但只見寒烟衰草山無數凭闌不  
語恨一點飛鴻數聲柔櫓都不帶愁去當時夢空憶  
邯鄲故步山陽笛裡曾賦黃金散盡英雄老莫倚善題  
鸚鵡君看取且信提携如意樽前舞浮名浪許要插柳  
當門種桃臨水歸老舊游路

壬子重陽感舊 念奴嬌

十年重九被閑愁孤負一番時節菊蕊青香未吐知我  
無心板折紫蟹鬚霜金橙噴霧舊事憑誰說故山何處  
莫山無限紅葉遙想響屧廊西涵空閣上水與雲相  
接回首十年成一夢却倚西風傷別料得明年人雖強  
健雙鬢都成雪且須沽酒與君低問明月

詠雪禁體 水調歌頭

常愛歐陽及蘇公禁體雪詩而自古雪詞無禁體者  
十月晦余歸龍江風雪連日因賦水調歌頭一曲仍  
不用鹽梅玉潔皓白飛舞字

風色夜來緊寒氣十分嚴起看江上樓閣無處不鈎簾  
短鈎簾漁艇小竹籬茅舍斜挂一青帘醉眼傲今

古不飲笑陶潛 正藪：俄揚：復織：楚山埋沒何  
在高處露雙尖人道 究家風味下比陶家清致我欲兩  
相兼舉盍慶豐瑞來歲不須占

客中壽婉素 齊天樂

華鯨聲遠鶯聲早念：瑞烟籠曉蛾綠添眉峰黃點額  
樓上妝梳初了羅輕佩小向晴日簾櫳暖雲池沼細蕤  
名香滿斟春酒拜翁媪 繁華流水東去又梁園密雪  
長干芳草楊柳東風梨花淡月幾度夢魂牽繞佳辰漸  
好願此別歸來會多離少咲引兒孫故鄉稱二老

旅中感舊 喜遷鶯

烟光明滅正細雨釀寒羅衣猶怯泥沁香鞦波添綠膩

幹淡柳金梨雪借問遠山何事低學脩眉雙結料也是  
為朝人暮人傷人離別 情切且莫問燕子未來人也  
成虛設蘇小愁多秋娘老去誰把綉簾高揭回想舊時  
春夢多少轉負周折但只願盡今生都是稱心時節

月夜過采石 西江月

采石磯頭明月纖眉亭上秋山古今來往幾人間贏得  
新愁無限 不用朱唇低唱何須纖手輕彈一觴一咏  
到更闌驚起數行鴻鴈

江舟聽雨 如夢令

逢上雨聲初罷舡尾綠叢齊挂添却幾重泉都向松梢  
飛下如畫如畫山與白雲齊亞



江邊落梅 千秋歲引

斷角殘鍾孤城小驛雪裏匆匆見顏色才看綠毛花底  
鳳又聽黃鶴樓中笛綺窓寒綉帷晚時相憶開處漏他  
春消息飄處恨他春拋擲猶自多情點衣白當時一枝  
曾折寄而今數朵須憐惜小橋邊短籬外重尋覓

夜泊大姑廟下風雨無眠賦以感懷 念奴嬌

一天風雨柰無情悞我匆匆行色龍女祠前三日住可  
是東君留客夢裏家山燈前兒女幾處烟波隔數莖愁  
髮者來今又添白遙想小小宮旌盈々墻杏都被輕寒  
勒只有春江如得意添却蒲萄三尺鶯燕休愁是驛莫  
咲行止非人力明朝西去布帆高掛晴碧

臨湘雪夜 謁金門

東風劣吹下一天春雪單薄被兒寒又怯自溫々不熱  
依舊起來周折梅影淡橫斜月清則是清々更絕欠

他相對說

巴陵雪夜 西江月

銀燭偏欺瘦影爐熏不退輕寒蘭舟聽雪楚江千蓬外  
春虫撩亂 添上髮邊白髮驚回夢裏青鸞尋常猶恨  
夜漫漫今夜更長一半

岳陽春暮 念奴嬌

楚江天暖滿山桃李被東風吹忒怨白愁紅千萬點都  
向溪邊流出前度劉郎去年崔護相見頭全白杜鵑啼

八  
層  
卷  
五  
處要歸誰便歸得 惆悵南浦南邊東湖東畔芳草茸  
茸碧寒食清明都過了回首無多春色茂苑鶯舌鷓波  
烟雨同是江南客五湖春渺且聽君山吹笛

衡陽道中 洞仙歌

斜紅皺白映水花千樹獨自沉吟對雨恨黃鸝特地飛  
向枝頭千百轉說盡愁人意緒 倚蓬凝望眼楚天湘  
水一點君山在何處料得綺窓前人也銷魂歸期遠玉  
纖頻數便寫却銀牋向衡陽倩着箇春鴻帶將回去

秋雨 湘中 訴衷情

中  
年  
人  
已  
怕  
逢  
秋  
情  
景  
不  
相  
投  
尋  
常  
耳  
邊  
風  
雨  
都  
聽  
你  
許  
多  
愁  
千  
古  
事  
幾  
時  
休  
枉  
追  
求  
數  
行  
鴈  
一  
泓  
瀟  
湘  
獨

自登樓

湖南舟中見新燕 雙燕

去年別處記黃葉秋聲晚涼庭院恁恁欲去再入綉幃  
留戀回首東風又軟漸細雨梨花開遍那知各自飄零  
向這裏人家重見 柳外湘波似練竹籬茅舍何如玉  
樓金殿呢喃聲裏如訴落紅千片一樣山遙水遠料應  
也多愁多怨相期月戶雲窓依舊舞裙歌扇

湘中書所見 虞美人

巴陵樹裏湘陰路幾箇人家住門前綠水繞園遭閑種  
一株楊柳一株桃 青梅紫筍黃雞酒又剪畦邊並楚  
聲歎罷亂簷花盡是不知音律老叟

花邊夜宿 菩薩蠻

瀟湘門外春江水，小紅樓子臨江起。樓下是誰家，一株含咲花。蘭舟休遠去，只就花邊住。花影上牙樁，夢魂今夜香。

祁陽道中聞蛙 小重山

纍、湘雲帶晚霞，東風吹絮落晴沙。夢魂今夜繞天涯。春暮也，芳艸亂鳴蛙。獨自莫咨嗟，青烟飛颺處有人家。且分新火試新茶，深竹裏無數木香花。

旅中春曉 二即神

野棠風急又過了一番花，信想芍藥猶香。荼蘼將謝春色恣，欲盡自疊牋題芳字，寫不就閒愁。閑悶能幾度。

尋思鏡中添了許多愁髮，休恨清明已過清和相近。漸藕葉初圓，櫻桃紅小，新竹娟娟。綠嫩疎雨池塘綠陰。亭館別是一般風韻，記玳簾湘簾舊巾，紈扇晚涼時分。

山西途中送友回鄉 阮郎歸

携手河梁惜袂分，秋鴻不成群。同來不得同歸去，目斷太行雲。望故里，揚羈魂。近楊柳，閭門惟留白髮老河汾。無才可報君。

初到山西纔中秋，已寒甚擁弊裘矣。緬思故鄉正當賞桂問月之期，杳莫可得。然諸友亦多散沒，惟止仲在焉。用填詞一闕寄之，則鄉情旅况覽示何如。惜餘春慢。

隴頭水澁秋蟬過塞鴈鳴寒威陡至恁早覺袖手懶將  
開這氣候偏與中原異峭砭八骨冽脆髭須江南老實  
難當御覽覽高山何葉不零那百草歸何處 記故鄉秋  
暑方消金粟飄香黃花委地謾携壺共上着翠微吟  
白雲紅樹時去廿更無幾南廷北往番成夢裡到明朝  
贏得邊雲不顧空令撫脾

憶以園 長相思

山悠々水悠々水遠山長無盡頭俺怎不生愁 憶歸  
休合歸休春到江波漾白鷗好弄一扁舟

眉菴集卷十二終

眉菴集補遺

懷舊業

春館坐微雨午窓蘭氣清以茲魚鳥性遂適園林情佳  
樹細花落清池圓葉生芳辰與幽賞欣此一素并

小孤山

江流西來如箭急孤峰橫截江心立桃花水漲勢相爭  
峽口瞿塘猶不及山神堂々心膽竈當是人間偉丈夫  
江頭廟裡青綾帳翠層紅粧塑小姑

南浦歌

朝發南浦掉其軻南浦歌春江與春草如此別離何春  
風揚柳悲予離水荷花暗江渚白髮收鬢鬢霜青

裙採綠絲，兩沙渚東邊是夢洲人家高繫木蘭舟還  
乘紫極宮前月移過秋屏閣下遊

感春

何所平生愛江空春水遙舊情題竹見新恨對花銷東  
脯非沽祿間鐘豈造朝自慙鞞上鵲風起欲凌霄  
春水又盈尺鶯花未滿林草於閑處綠愁向夜來深野  
鳥丁寧意江雲去任心從來布衣願不必問多金

一窓秋影

窈窕梧桐樹參差桂竹林如何數枝影共此一窗陰雲  
破月華滿夢回秋意深相看竟長夜脉脉故園心

滕王閣圖

地湧三重閣江橫百尺臺渚霞朝脯闢山雨暮簾開金  
奏雲中路銀屏月下來虹霓明綺席星斗弄珠胎歌舞  
俄成夢登臨信可哀晉圖迷缺鏢文苑積葶苈憶赴閭  
公宴曾誇子建才長天與秋水千古共徘徊

水

連日毒熱思冰不可得日賦五言排律一  
首書篋上床幾望梅止渴之意也仍邀來儀

李迪幼文三文學同詠

凌室於深藏殊思錫上方壺清迷練色甌薄耀寒光當  
座人俱素登冠體共涼瑩含銀永潔甘薦蜜脾香淺碧  
迎歌扇微紅映舞裳明愁難作鑑聖恐易成漿瑞擬金  
憲雪勛高玉井霜屏慚雲母熟簾詭水晶涼醉客狂思

聶詞臣渴願嘗陳三方避暑突兀殿中

燈夕觀妓戲作豔語

舞緩態偏濃歌停拍未終釵留人隊雪剗響臂羅風不  
畫眉長綠非酣臉自紅意將回眼送嬌逐點頭通此夕  
瑤臺下當時洛浦中莫言常見慣腸斷杜司空

栽竹

斲開蒼石蘚種琅玕移得瀟湘入座看宿土半含春雨潤  
短籬斜弄午風寒紫苞未見搖冰雪翠實終當宿鳳鸞  
何處玉笙吹夜月碧桃零落滿東闌

王蒙畫西山圖

楚山迢遞隔江齊江上人家盡向西缺處每逢新月上

淡中長映夕陽低清憐英氣晴猶渴紫護烟光畫欲迷  
無復滕王高閣上珠簾暮雨正凄

春夢 三首

春夢復春夢看夢何時醒昨日梨花白今朝梅子青  
春夢復春夢不知春只有雙蝴蝶憐他夢裡人  
春夢復春夢覺春無迹何處覓殘紅東南數峰碧

綰扇

綰扇娟、白雲當箇、青如何明月裏吹下鳳皇翎  
半身美人圖

畫師有意画風流畫到風流意便休記得去年春雨後  
杏花院短牆頭

眉菴集後志

眉菴楊先生孟載吾蘇之吳邑人家天平山南赤  
山之下自幼敏悟絕人日記數千言弱冠工文詞  
議論古音亦數萬言謂之論鑒嘗挈以試儀曹值  
元季兵興弗果就職當時文章大家若饒參政介  
之周左丞伯溫見皆竒之會稽楊廉夫以詩伯一  
時少所推可倚雲間往來吳下以所號鉄笛謂先  
生能歌之乎先生曰不惟爲作鉄笛歌尤且切劌  
老鉄體翌日成以似廉夫不覺自失曰吾意詩徑  
已蕪今復得子老鉄當退步讓爾出一頭地也遂

借之東遊呼所從者曰吾在吳又得一鐵來矣若  
等就之學優於老鐵學也交與成志年故當時有  
老楊少楊之稱云避兵圍城中日與才友高季迪  
王止仲張來儀徐幼文輩相倡和以自適迨我  
聖祖肇基之初即受薦任河南榮易令尋謫鍾離閑  
居秣陵江濱久之又用薦爲江西省幕賓以累復  
落職處句曲山中又起奉

使湖南廣右既而擢山西按察副使陞按察使而卒  
此履歷聞諸故老驗諸詩所載特其大槩緣當時  
無有筆其行實者故莫克致詳然先生平日之詩

甚富皆率意爲之畧不存稿嘗見先生自序一秩  
云國譽友方君不得見予全集爲恨故畱此以示  
之爾則是先生盛年稿已散失今流傳人間者十  
無二三况皆抄本又無序志家異而入殊後至于  
順間郡人鄭教授嘗爲刊行間多訛謬矧諸奇作  
失載識者病焉習在彭君齡即愛誦先生之詩徧假  
抄錄觀圖彌盈及長而仕借以出入有年猶每隨  
訪隨錄卒莫致其全茲官嶺表念齒已邁爰命摩  
生顏恭文起會各本錄就請前

翰林學士西蜀江君序諸首重圖鍍梓以傳噫文



章在穹壤間譬之精舍美玉不求乎人而人自即  
之無有以暫而異所好然好金玉之寶者衆人之  
常情而文章雅澹非有景賢好古之心莫克以致  
其所好之篤也習為鄉之晚生敬慕前哲之言自  
幼抵老不忍泯泯是固庸陋無文不能表章乎幽  
潛則區區素願詎不由之而少慰哉若夫先生學  
力之克才氣之雄以致詩之清豪自成一家言者  
覽是集當自得之茲不瀆

成化乙巳秋桂月肫同邑後學張習志

